

13751

1918

891.99

U- 64

E 2003

58

ԵՐՈՒԱՆԴ ՄԵՍԻԱՆ

ՔԵՐԹՈՒԱԾՆԵՐ

ԿԱՐՄԻՐ ՍԵՐՈԽՆԴՅԸ



1918

891.99

Ա-69

91.99  
F-64

ԵՐՈՒԱՆԴ ՄԵՍԻԱԵԱՆ

ՔԵՐԹՈՒԹՅՈՒԵՐ

ԿԱՐՄԻՐ ՍԵՐՈՒՆԴԸ



1918

# ՀԱՅԱՍՏԱՆ ԿԸ ՎԵՐԱԾՆԻ

Սիրոյ եւ գուրի երգ՝ հայ ժողովուրդին

Արշալոյսին թռչունը կերպէք : Ան կ'երգէք առտուան զեցկուրինը , արեւին բարերար չերմուրինը , գարնան վերածնունդը : Իր գուարը երգը կը տօնէք սէրերու եղանակը որ դիւրաքեկ ու անգին բոյներով կը լեցնէ անտառներու դարաւոր ծառները , — բզզուն քաւուտներն ու ոսկեայ ցորէններուն գերազանց փառքը : Թուչունը կ'երգէք ներկային ուրախութիւնը եւ ապագային հաւատքը :

\* \* \*

Քիչ մ'անդին , պալատին մէջ , ծեր բռնապետը իգո՞ւր կը փնտուէք քունին հանգիստը : Թանձք պատերը , հարուստ ու ծանըր վարագոյըները կարծես կը չոքէին վրան , վշտալիօրէն կը ննշէին զինքը : Հին յիշատակները շարդերու՝ կը խուժէին մըտքին մէջ . սակայն խիդնը զինք չէր տանջեր . տարիքը՝ քամակը ծոելով՝ իր մէջ չէր մարած դեռ՝ ոչ ատելուրինը , ոչ հեշտանիքի սէրը :

\* \* \*

Ոսկի թեւերով թռչուննեն յոյսի եւ հրճուանքի գուարքնուողինը պալատ կը հասնէր , կուգար իրեն . եւ բռնապետը՝ մաղմակիր սրտին համակ թափովը կատէք թեւասոր երգիչը , անոր եռանդին , անոր՝ կետնի համար ցոյց տուած վստահութեան եւ աղուոր բաներուն հանդէպ տածած սէրին համար :

Ոսկի թեւերով փոքրիկ թռչուն մէր լոկ , վառ աչերով ,



անմեղ սրտով, եւ սակայն, հզօր բռնապետը չի կրցաւ հանդուրժել անոր ներկայութեան: Կատաղի՝ ան հրամայեց որ գարնեն քոչնիկը՝ որ քունը կը խանգարէր: Երբ սիրտը մոայլէ եւ հոգին վայրագ, յոյսն ու սէրը երգեր չունին:

\* \* \*

Երգելէն յոգնած, քոչունը, հանդարտ ու անկասկած, այժմը կը քօբուէր ու կը յարդարէր փետուրները: Ան կը հաւաքէր յարդի շիւղեր որ իր բոյնը պիտի շինէին. կը քոչտէր արագ ու վարդուն. անմեղ էր եւ վախ չունէր: Ճերմակ ու քերեւ քուլայ մը բուրդի զոր տեսաւ. իրեն խանդ տուաւ աւելի քոչելու. իր նուրբ կտուցովը զայն բոնելու վրայ էր՝ երբ պողպատ ունելիներով անգութ քակարդը գոցուեցաւ վրան: Իե՞ն, փոքրիկ ոսկեփետուր քոչուն...:

\* \* \*

Կոպիտ ձեռքեր բռնեցին իր փոքրիկ, փայլուն մարմինը եւ տարին հզօր միապետին մոայլ դէմքին վրայ, անգութ ու հրուտ աչքերը վառեցան, ինչպէս կը վառէին անոնք կողոպուտի եւ ջարդերու օրերուն: Ան սղմեց ոսկեզօծ փոքր գունդը որ ալ կեանի չունէր. սղմեց զայն նզմելու աստիճան. «Այսպէս, ըստ, ա'լ չպիտի երգես, քոչուն», ու պատուհանին բաց փեղկէն փողոց նետեց զայն:

\* \* \*

Միւս առտուն, արշալոյսին, ոսկի քեւերով քոչունը դարձեալ կերգէր պալատին մօտ: Իր երգը կը սաւառնէր՝ գուտ

եւ փայլուն: Վառ նոռողիւնին մէջ՝ կոիւի եւ յամառօքն ապրելու ըդամնին խոզերը՝ այժմ բռնած էին հանդարտ գուարքութեան երգերուն տեղը: Բռնապետը սարսուաց կատաղի եւ ատող պալատին պատուհանին՝ ան կրնար սեսմել ոսկերեւ քոչունը՝ զոր օր մ'առաջ փողոց էր նետած անկենդան, քոչունը որ պելտուն աչքովը զինքը կը դիտէր, մինչ իր ոսկեզօծ կոկորդէն կը բարձրանար երկնային երգը՝ իբրեւ մարտանիք հրաւէր:

\* \* \*

Ամէն իրիկուն, այսպէս, երկար ատեն, բռնապետին քերին քոչունին անշարժ, փոքր մարմինը, եւ ամէն առտու, արշալոյսին, ոսկի քոչունին հրաշալի երգը եկաւ արքնցմել պալատին մտահոգ ու կատաղի միապետը:

Այս պահուն էր որ պայրեցաւ ահարկու փոքրորիկը որ աշխարհը պիտի կործանէր: Արեւելքէն Արեւմուտք, վաղեմի երկիրը սարսուաց աղէտքներու մէջ: Արեան հոտէն, ծեր բռնապետը գօրութիւն առաւ ու մխուեցաւ պայքարին մէջ, իր ջարդալիր անցեալովը:

Պալատին մէծ պարտէզին մէջ ոսկեայ քոչունը՝ մտահոգ, սարսուն, կը լսէր անող փոքրորիկներուն աղմուկը: Ու դեռ կերգէր. բայց իր երգը տխուր ու մելամաղձոտ էր: Կարծես՝ ծեր միապետը զայն մոռցած էր այլեւս. քերեւս, ամիկա յոգնած էր քոչունը խեղդելէն, ֆանի որ ամէն առտու ան կը վերածնէր իր երգովը: Ամէն հարուածի, ամէն նոր վերքի, նոր կեանք մը կը փոխանցուէր յաղքական քոչունին: Յամառօ-

բէն, տառապանքով, ոսկեայ թռչունը կը շինէր բոյնը եւ կերգէր իր անմահ երգը :

\* \* \*

Օր մը սակայն, վայրագ ձեռք մը զինք բոնեց ու տարաւ շատ հեռուն : Փետուրները փշրուած ու անգոյն, կտուցն ու ոտքերն արիւնուած, կոկորդը հրավառ ծարաւէն ու տառապանքէն, ոսկեայ թռչունը բող տրուեցաւ աւագուտ դաշտին մէջ, այրող արեւին տակ : Ո՛չ մէկ հովիկ սիրտը զովացնող, ոչ մէկ ցօղ՝ ծարաւը մարող, այլ միայն կրակէ աւազը ամէն ուրեմ' ուր խեղն մարմինը կը միշուէր անդադար, գրեթէ անկենդան : Վերջապէս՝ յաղբուած էր երգոլ թռչունը :

\* \* \*

Արեւը կ'աներեւութամար հորիզոնէն ու մեղմօրէն թռչունը կը մեռնէր : Կեանիքը կը հատնէր՝ հոսելով իր փափուկ մարմբնին հազար վերքերէն : Ո՛չ յոյս, ո՛չ երգ. այլ միայն՝ տըխրութիւն եւ մահ կար իրեն համար : Գլխուն վերեւ, արծիւ մ'ու անգդ մ'անցան զայն ըդալով :

Յանկարծ, մինչ ցորեկուան վերջին լոյսերը կը մարէին, հովիկ մը, հազիւ զգալի գեփիւն մ'լաւ, մեռնող թռչունին թերելով հեռաւոր շշուկ մը : «Արութիւն, կ'ըսէր ան թռչունին, դեռ առուակները պիտի կարկաչն էնզի համար, դեռ ծառերը բոյն պիտի տան թեւաւոր սերունդիդ՝ իրենց դպալը նիւղերուն վըրայ : Արութիւն, դեռ քու երգդ պիտի աւետէ գարունները, ապ թելու ուրախութիւնը եւ վաստակին անմահ թեղմնաւորութիւնը : Արութիւն, դուն ա'յն ես՝ որ չի մեռնիր» :

Ու թռչունը կը լսէր այս յոյսի մրմունջը. յանկարծ, տառապանքէն աղմուած կոկորդը բրուաց եւ ոսկեայ թռչունին կուրծքէն բղլսեց հրաշալի երգ մը ու իր երգերուն ամենէն Աստուածայինը, հաւատենով ու արիւնով խառնուած երգ մը՝ զոր տիեզերքը լսեց :

Ծեր բոնապետն ալ լսեց զայն պալատին մէջ : Զոհերու արիւնէն դեռ կարմիր՝ ձեռքերը սեղմուեցան, եղունգները մխելով ափերուն մէջ : Որպէս զի այլեւս չի լսեր, գլուխը քաղեց բարձերուն մէջ, բայց երգը աւելի՝ զուտ, աւելի՝ յատակ կ'ըսէր . «Փիւնիկն իր անիւնէն կը վերածնի, փիւնիկն իր անիւնէն կը վերածնի» :

Արոյրէ դուռերը, ծանր փեղկերով պատուհանները գոցել տուու, բայց երգը հիշեց միշտ պայծառ : Բոնապետը կը տառապէր . լեռներէն ովկիանսու, այրող անապատէն բարձրացող երգը քափանցելով՝ արձագանք կը գտնէր տիեզերքի բիւրաւոր ձայներուն մէջ :

Այլեւս մէկ թռչուն չէր՝ որ կերգէր, այլ՝ անոր երգէն արբեցած հարիւր հազարաւորներ՝ որ կը հոչակէին ազատ ապրելու իրենց կամքը՝ բոնութեան հանդէպ :

Պարտուած՝ ծեր բոնապետը ինկաւ . կարծես անվերջանալի էր անոր հոգեվարքը :

\* \* \*

Արշալոյսը ծագեցաւ վարդագոյն ու շիկահեր : Զըմբուխտեայ դալար մը ծածկած էր պարտէզին ծառերուն նիւղերը .

Երկիրն ու բնութիւնը կ'արքնեային : Յանկարծ , մահուան դէմ  
չարչրկուող բռնապետը ցցուեցաւ հոգեվարքի զառանցանիքն  
մէջ ու ինկաւ անշունչ : Պատուհանին շատ մօտիկ , նոր ու քե-  
ռուն նիւղի մը վրայ , ոսկեփետուր բռչունը իր բոյնը կը շի-  
նէր , այժմ հանդարտ ու ապահով :

Իր ճոռուղիւնը կրկին լսուեցաւ , մինչ բռնապետը կանց-  
նէր կեանքէն .— Փիւնիկն իր անիւնէն կը վերածնի՛ , փիւ-  
նիկն յաղքած է մահուան . . . :

MARCELLE MESSIAIAN



## ԳԱՆԿԵՐՈՒԻ ԶԱՐՄՈԼ

Գարունները վերածնունդին հայկական ,  
Կրկի՛ն ծաղկած պիտի գան .  
Կրկի՛ն քաւշեայ ժամանակին ձեռքն հնիքուշ  
Մեր վերքերուն վըրայ դընէ պիտ' անուշ  
Իր խնկաւէտ քալասանն :

Քանի՛ դարեր , քանի՛ ազգեր ոազմազէն՝  
Անհետացան մեր շուրքէն  
Իրենց փառքովն ու բռնութեամբն անցաւոր :  
Քանի՛ դարեր մեր տեւելու կամքն աղուոր՝  
Վերապրեցուց ցեղն հըզօր :

Զարդէն , հուրէն , կործանումէն լնիդհանուր  
Մրմիջեցինք զարքնած , լուռ ,  
«Երազ մըն էր , զարշատեսիլ , հոգեսանց՝  
Գիշերուան մը ցնցող՝ այլ սի՛ն մղձաւանչն ,  
Անցաւ ահա տլչրալուր :

Գարունները վերածնունդին հայկական  
Նորէն ծըլած պիտի գան .  
Մղձաւանչներն ալ հեւացող , հոնդագին ,  
Ցոյժ չարչրկուած մեր գանկերէն պիտ' անցնին ,  
Որքա՛ն դարեր՝ դեռ անծին :

Բայց ե՞րբ նորէն ծիծառներուն պէս սիրուն  
Տաղանդները գեղասուն  
Պիտի դառնան մեզի՝ առած յարուքիւն։  
Այլ ե՞րբ լսենի պիտի անոնց երգն յօժար,  
Երդիքներուն տակ դալար։

Անոնիք ակերն էին ցեղին անվլրդով,  
Ուրկէ կեանիքի նեկտարն զով,  
Կրակներնուս մէջ կը հոսէր դրդչելով։  
Հանճարները՝ անուշ ջուրի ակ խաղաղ,  
Այժմ ցամքած են, աւա՞լ։

Հանճարները լոյսեր էին շողարձակ,  
Զոր մուսաներն դափնեպսակ՝  
Երենց շնորհին նամանչներէն ժաղած՝ շէն,  
Ցեղին հոզին նետեր էին շողշողուն,  
Զերք զոհարներ վարվլուն։

Անոնիք ինկան՝ մարած աստղե՛ր քանիկագին  
Հորիզոննեն ազգային։  
Չարչարաններն ի՞նչ են ու ի՞նչ աղէտքներն,—  
Լո՛կ արիւնուն, այլ վաղանցուկ երազնե՛ր,  
Որ օր մ'անշուշտ կը մոռցուին։

Աղէտքներուն նըսեմ ստուերն տխրաշուն,  
Լո՛կ զիշեր մ'է, սրտմաշուն.  
Այլ այն խաւարն զոհուողներուն հանճարին՝

Որքա՞ն դարեր պիտի ծածկէ մքագին,  
Սերունդները նորածին։

Գարունները կրկին կուգան ծաղկաւէտ,  
Բայց ո՛վ կրնայ իրենց հետ՝  
Մեզի դարձնել՝ գանիկերն հասուն՝ ջարդիշուր  
Տաղանդներուն՝ զոր դառնագին, յուսակտուր՝  
Պիտի ողբանիք մենիք յաւէտ։

Գարունները դեռ չի ծաղկած բողբոշուն,  
Մամիկներուն պէս անքուն,  
Մեր հոգիներն ջարդուողները քո՛ղ կանչեն. —  
«Ելէ՛ֆ, ելէ՛ֆ շիրիմներէն ձեր անշէն՝  
Որ մենիք իշնենի հողն վխրուն։

### ՄԵՏՈՒՍԱՆԵՐ ԵՂԷ՛Ք

Ո՞ր նախանձու դիցուիին  
Զեր գեղն ու շնորհն խարարեց.  
Քոյրե՛ր, ո՛վ ձեզ լալագին,  
Կօրկոններու վշտահեծ՝  
Մուը անձաւններն գլտորեց։

Անէ՛ծֆ, անէ՛ծֆ քափեցէ՛ք  
Հարսնե՛ր, որ այժմ կը հեծէք։  
Հարեւններուն մէջ հեղձուկ՝  
Մետուսաներ եղէ՛ֆ դուք։

Մայրե՛ր . ձեր վիշտն տրտմառն  
Մեր սրտերուն մէջ դըրաւ .  
Սիրոյ անհունն անզըրաւ .  
Թող ձեր հոգւոյն մէջ ալ քոյն  
Դընէ վրէժն մեր արքուն :

Մեսուսամեր թխպագին  
Եղե՛մ կոյսե՛ր ծաղկածին .  
Ու քող ձեզմէ յա՛ր խոյս տան  
Թշնամիներն գարշ քերան :

Զեր գանգուրներն գիսախոյն ,  
Օձե՛ր եղած բազմաբիւ ,  
Թո՞յն քող ժայթեն անխընայ ,  
Ոխի սեւ քոյնն անոնց վրայ :

Եւ գէր հեղ մ'ալ , ո՞վ Աստուած ,  
Անոնց շնորհէն ամօք խած ,  
Անոնց մարմնէն խոշտանգուած ,  
Հանոյքի տեղ՝ բդիսի քո՞ղ ,  
Մահուան պատիժն սահմոկոլ :

Ա՞հ , քող վաղ կամ անագան ,  
Անոնց գեղէն Մեսուսեան ,  
Յափւուակիչներն այն գազան ,  
Արա՞գ , արա՞գ ժարանան :

### ԹՈՒՐԲ ԿԱՅԷՆԸ

Տաքք . Արշակ Տէր Մարկոսեանի

Ա.

Կայէն ժըլատ , եղբայրասպան , տէնդագին ,  
Մարդասպանը հա՛ կշտապէ լոփիկ , յար՝  
Ամայութեան , գաղտնիքին մէջ խաւարին ,  
Նախճիրներուն վըրայ սփոել սոսկահար՝  
Սեւ լոռութեան թանձըր , խուլ քօղն տարածուն :  
Արեւն արդար կը խաւարի մայրամուտ .  
Վերջալոյսի յողնած չողերն չառագոյն ,  
Տարածուելով ամպածածան , սէպ ու մութ  
Լեռներէն վար՝ ջրվէժներով վրսիըրուն՝  
Մարտիրոսին անմեղ դիակն կը լըւան :  
Զայներն արեան պարարտ հողէն սարսըռուն ,  
Ոճրագործին երեսն ի վեր կը պոռան .—  
— Ո՞ւր է Արելն , Կայէն , Կայէ՛ն նախանձոտ :  
Բայց Կայէնը , ոտքովն անարդ ու աղտոտ  
Խօսող արիւնն անգոսնելով անվրդով ,  
Կը կոխկոտէ դայն ու անկէ վեր ցատկող  
Տղմուտ արիւնն լավայական կըրակով՝  
Կայրէ մութ աչքն , սեւցընելով սիրտն անդող .  
Եւ ձայն մը դոռ , կ'ըսէ իրեն .— ո՞վ Կայէն ,  
«Թող հողն այն որ եղբօրդ արիւնն ընդունեց ,

Անիծէ՛ քեզ, մերժէ՛ սնունդն իր ծոցէն :  
Փախստական եւ թափառկոտ՝ գուն այժմէն՝  
Կայէ՞ն, շրջիս երկրի վըրայ ամօթով» :

\* \* \*

Զերթ Միլտոնեան սատանաներ երկնընկեց,  
Որ տարածուած, սեւաթըռիչ գունդերով  
Վար կը խուժեն վահանակիր տրոմահեծ՝  
Հալածելու ջինջ հրեշտակներն լուսաւոր,  
Մութ ստուերներն տարածուելով թեւաւոր,  
Կը հալածեն վերջին լոյսերն երկինքէն :  
Խոնաւ չողի մը բդիմելով թաւուտքէն,  
Զերմոտ չունչով կը սաւառնի ամէն տեղ :  
Դաշտերուն վրայ հոծ մութն իջած կապարեայ,  
Սեւ գիշերը՝ արիմներու բոցահեղ  
Լճին վրբայ ծծմբածուս կը մըխայ՝  
Իբրեւ դաժան բէեղզերուղ մը հսկայ :  
Շշուկներն խօլ՝ խիտ թուփերէն գաղտնապահ,  
Անտառներէն, մացառներէն, ձորերէն,  
Ջղջիկներու պէս թուչտելով, դո՞ղ ու ա՛հ  
Կը սփոեն լուռ, անոր չուրջը հեւալէն .  
Ու Կայէնը սարսուալով կը վախնա՞յ :  
Հեղեղներէն կպչող արեան տարածուած,  
Բոցէ սուրեր, լեղուներու պէս այրող՝  
Կը հալածեն զինքը ահա՛ տրոմայած :  
Մղձաւանջ մը կը խողէ սիրտն տժգունող .  
Ու մարած աչքն իր չաւիղը կորուսած՝

Յիմարութեամք մը Մակոչթեան կը յառի  
Արիւնին՝ որ ձեռքը կայրէ վիթխարի :  
Ճիւազ հոգին որ ստուերն էր վինտուած յար  
Ոճիրներուն համար, այժմ՝ մութ, խաւար  
Ստուերներէն յոյժ կը սոսկայ. վախ մ'անհուն՝  
Իմաստութեան սկիզբն ու աստղ՝ մշտարթուն՝  
Յոլքի մը մէջ տողանցումով մ'արիւնոտ,  
Մորթածներուն չողուն դէմքերն արեւոտ,  
Մէկիկ մէկիկ կանցընէ հոն՝ առջեւէն :  
Ու տեսիլներն երազային, ուրուական՝  
Մխող դանկին մէջ խոնըւած կայէնեան,  
Ստիւգական ջուրերու պէս կը վագեն,  
Հրարբխային եռեփով մը բոցերէն :  
Ի՞նչ հուր, ի՞նչ ծուխ, ի՞նչ աղէաներ, ի՞նչ արիւն, —  
Աւերումին գարչութիւնն է՝ որ անքուն՝  
Կը տեսնէ ան, վարանդի, վատշըւէր .  
Եւ խարխափուն հոնդալով անհամբեր,  
Ղովտեան քայլով մ'ահասարսուս, նոր Կայէնն,  
Կուզէ փախչիլ ոճիրներուն անէծքէն :  
Բայց աւերներն զերթ վհուկներ Սկովտեան,  
Սեւ գուշակներն ճակատազրին՝ դուրս կուզան՝  
Մութ երեսին վշտաչարչար, ահարկու՝  
Իւրաքանչւրն իր սեւ անէծքն նետելու :  
Աստղերն հասու տէղերու պէս կը մխուին,  
Փախչողին սիրտն եւ ան կիյնայ՝ վշտագին .  
Ու մահիկին վերցնելով աչք մ'յուսահատ՝  
Հուր գրերով հոն կը կարդայ բաղդին վատ

Մանէն, քէկելն ու ըփարսին հըրացայտ՝  
Արիւնաբռու խրախնձանքներուն խօլ, աղու  
Արբշխէն ետք, մութ դատակնիքն ահազդու, —  
— Կշուցի քեղ եւ արդ պակաս կը գտնեմ,  
Ու հաշւըւած օրերէդ ետք, սեւ, նըսեմ,  
Երկիրն բերրի զաւակներուս մէջ զոհուած  
Պիտի բաշխեմ՝ արդարադատ նուիրուած» :

Բ.

Պուրակներէն, թաւուտներէն, սարերէն  
Ահա կիշնեն հայ որսորդներն սազմադէն.  
Եւ ալալին բազմանըւադ տխրաչունչ  
Կարձագանքէ մահուան մօտ ժամն անմըռունչ:  
Սուրէ, հուրէ բոցակարմիր, անողոք  
Երախներէ՝ սոլառնալիքն անդադար՝  
Փչող քամին կը հասցընէ՝ դոզահար  
Հալածուողին ականջներուն մըտահոդ.  
Եւ արիւնէ հեղեղներուն զգլիխէ,  
Ծխող մոլմոքն՝ իր առջեւը լայնալիճ  
Կը տարածուի զերթ հանգրւան մ'հեղէն:  
Հո՛ն՝ սազմագոռ հալածողներն կը քչեն  
Կայէնը թուրք՝ անէծքներով զայրալիր:  
Աղաղակներն՝ զերթ գուժկաններ չոր մահուան՝  
Տաք չունչերով աւելի կը մօտենան.  
Ու սարսուը անտառներուն դիւահար  
Որ կը փախչին իր առջեւէն արա՛դ, յա՛ր,

Տերեւներու չոր շշուկին պէս թրթոռուն,  
Կը դողացնէ հոգին երկչոտ ու տըմոյն:  
Ու՞ր երթայ ան· որո՞ւն դուռը առնէ ափ,  
Երբ սիրտն անդութ, դազանի սիրտ ոխատապ՝  
Համակրանքի դուռներն փակեր է յաւէտ.  
Եւ արիւնոտ ձեռքը կարմիր չարաղէտ՝  
Ուհիներուն բոսոր դըրոշմն է տաղեր՝  
Բընութեան վլրայ՝ որ պժգալով, անտարբեր,  
Կը խուսափի քայլերուն տակ տընաւէր:

39970-67

\* \* \*

Ուազմիկներու գոռ ալալին տխրունակ,  
Դեռ կը հնչէ բըլուրներուն մէջ մինակ:  
Բոցէն, սուրէն, հեղեղներէն արեան հուր՝  
Հալածուող թուրքն՝ ետ կընկրկի մազապուր.  
Այլ անօդ է · մարդկութիւններն անայլայլ  
Կը մերմէն զինք, վայրավատին, պարտասեալ:  
Հիւղ մը, այր մը, թաքստոց մը ապահով,  
Գէթ ափ մը հող, որ իր ձեռքէն հոսելով  
Կաթող արեան ծիրանին գունակեալ  
Զըլլա՛ր · արեան մատնող վառ հետքն ամէն տեղ  
Կը հետեւի կոչտ քայլերուն, բիրտ, տգեղ.  
Եւ լլըռոմին սուր, խենթ տափնապն խոտելի՝  
Մղձաւանջի պէս իր հոգւոյն կը կառչի:  
Ու՞ր երթայ ան· որո՞ւն դուռը առնէ ափ,  
Երբ քարերն իսկ լեզու ելած բոցատապ՝  
Երկինքներուն իր ոճիրներն կը պոռան:

Ու՞ր կերթայ ան՝ հալածականն այս դաժան,  
 Դէպի իր որջն, ուր անմեղ մը կը հեւայ՝  
 Ճիրաններուն տակ ամեհի, անխընայ.—  
 Հայուհին է ան, հէգ նշխարն բահնըւած  
 Իր խորանին մաքրութենէն՝ անկասկած,  
 Հարեմի մը լիրը կիրքերուն դարպասող  
 Խեղճ քրմուհին ըլլալու լուռ եւ լացող:  
 Ու սեւ կայէն՝ թուրք բանապետ թափառուն,  
 Կը ծնրադրէ առջեւն անոր, հէգ, անտուն,  
 Մատօնայէն օդնախնդիր՝ պաշտելով  
 Զայն՝ որ այլած էր դիւային դարշանքով:

### ԷՆՉԵՂՆԵՐԸ

Պալատներու շքեղութեանց մէջ ընտիր,  
 Միտա՛ս՝ արքայ Միտաս՝  
 Մեծասունին հեշտ մատները ըզձալիր,  
 Անյագ, անկուշու, անհաս,  
 Նուրք հպումներ կը բաշխն յար գարդերուն.  
 Ու ամէն հէգ առարկայ  
 Փայլուն ոսկի կը դառնայ՝  
 Մեծասունին հպումներուն տակ քրքուն:  
 — Պալատներու դըրան առջեւ՝ դողդոջուն,  
 Միտա՛ս, անգու՛թ Միտաս,

Աղքատներ կան, վըտիտ ոքքեր, խեղն անտուն,  
 Թշուառ, անօք, տհաս,  
 Որոնց հայրերն, մայրերն, եղբայրն, տոհմը  
 շէն,  
 Զարդի, սովի, ափորի մէջ ամօրէն,  
 Միտա՛ս՝ յոգներ, մեռե՛ք են:

\* \* \*

Միտա՛ս՝ արքա՛յ Միտաս՝  
 Մեծասունին չոր՝ սին մատներն ոսկեմազ  
 Թշուառներու արցունելին դէմ յորդահոս՝  
 Դողո՞վ, հեւենվ մ'անխօս,  
 Կծկըւեր են սրտին վրայ ահաւոր.  
 Եւ այդ օրէն սիրտն անոր,  
 Ոսկի կտրած ցուրտ, փայլուն՝  
 Զի կարեկցիր մեր ցաւուն:

Պալատներու ոսկեմերուն մէջ շողուն՝  
 Միտա՛ս, արքա՛յ Միտաս՝  
 Մեծասունին քերեւ մատներն նրբանազ,  
 Արա՞գ, արագ, տըմոյն,  
 Խօլ հպումներ բաշխներ են չորս պատերուն.  
 Եւ այդ օրէն կեանքն անոր,  
 Որմերու մէջ ոսկի նոր,  
 Բանտըւելով մարդկութենէն դու՛րս ինկեր՝  
 Յաւէտ կանցնի՛, քամահըւած, անտարքեր:

ՀԱՅՐԵՆԻՔԻ ՍԵՐ

(Երգ Երգոց)

ՏԻԿ. ՄԱՌԻ ՍՎԱԶԼԻՇ  
Քնուշ քերքողուհին

Պրայտումներէս քափառաշրջիկ  
Քեզի' կը դառնամ, ո'վ իմ հայրենիքս,  
Երա՛զ, ի՞նձ մ'կ քունք՝ պատկերդ լուսադէմ,  
Հուրիի նայուածք՝ կրկի՛ն կը տեսնեմ :

Հազարներու մէջ զբեզ փնտոեցի .  
— Տեսա՛ք իմ աղուորս, լու՛ր տուե՛ք ինծի —  
Օտարներու ծոցն իզու՛ր ըդացի՝  
Շնչել քու յատուկ բոյրերդ կանացի :

Արդիօֆ ո՞րն անոնց կրցաւ զատել մեզ,  
Կը պաշտեմ զբեզ, հայրենի՛ք, զիտե՞ս .  
Առաջին սէրին դասող սիրահար՝  
Գոզըդ կը դառնամ գէք սրտովս յօժար :

Քու մազերդ զանգոյր՝ ամպեր են ք-ք-ռուն,  
Յասմիկներն ցանուած անոնց մէջ շողուն,  
Աստղեր են գոզես՝ կը պլայան հոգուն :

Ճակասոդ երկի՛նք մ'կ վճիռ, անապակ,  
Եւ ժպիտն անմեղ՝ արշալոյս մ'համակ  
Կաքնարոյր շղարշով կը ծածկէ ներմակ,  
Անուրջներդ մոայլ, խոկումդ անյատակ :

Աչքերդ ալեծուփ լիներ են արքուն՝  
Ուր կուգան լոգնալ ծխածաններ նախշուն .  
Զո՞վ է մեղը համբոյրդ ցողին պէս նըռան .  
Այսերդ վարդերու բոլբոջ են, օրքա՞ն :  
Եւ քու ստիճիդ անուշ կաքն՝ լէքն է :  
Որ կեանքերնուս մէջ մեղմիկ կը ծորէ :

Անոնց՝ որ քու սէրդ կանգոսնեն անմեն,  
— իմ աղուորս՝ սիրոյ շատրւան մ'կ, — ըսի,  
Երբ ազատ քող տամ, ցայտուն կը հոսփ՝  
Դէպ երկինքն մաքուր, դէպի կեանքը վե՛ր .  
Բայց երբ կը զատուիմ ես իրմէն բռնի՝  
Ան՝ ինքն իր վըրայ ինկած՝ կը փշրւի :

Հայրենի՛ք, լքուած, անտէր սիրուիի՝  
Հազարներու մէջ պատկերդ փնտուեցի .  
Աղուորներու մէջ քու սէրդ ըդալի՝  
Մասունքի նըման անեղծ պահեցի :

Քեզի' կը դառնամ սրտով մ'անձկալիք .  
Սէր էիր՝ ու կեանք դուն ինծի տուիք .  
Հիմա որբ հոգւոյս վա՛ն, վա՛ն յոյս եղիք :

Ա. Բ Ի' Ի Ն, Ա. Խ Ե Լ Ի' Ա. Բ Ի Ի Ն

Ի յիշատակ Մնաշեղ Շահինեանի

Տեսէ՛ք, կրկի՛ն գուլ ջարդն արիւն է ցողեր  
Մեր սարերու գալարին վրայ հովասուն,  
Բիւր զոհերու թուփ, չոր ամիւնն սրբանւէր՝  
Սուգի զգեստ է հազգուցեր գաշտերուն:  
Հայ չկա՛յ ալ. անարդուա՛ծ է Հայաստան:  
Հարեմներու գարշ ստուերին մէջ անքուն՝  
Զէ՞ք զգար որ՝ պղծութեան մէջ կը կոստան  
Փուխ սրտիկներն մէր քոյլերուն, հարսներուն:  
Ո՞ւ, չէ՞ք լսեր՝ որ մէր կոյսերն յուսահատ,  
Տարտարոսեան հոգիներու պէս երկչոտ՝  
Կաղօթեն վրէ՛ժ, կը բաղձան որ հարազատ  
Տաճարն ըլլան պաշտանքներուն մէր անձկոտ:  
Հայ չկա՛յ ալ. մորթըլա՛ծ է Հայաստան.  
Գիրգ մարմիններն զաւկըներուն խողխողուած՝  
Թաց ճիւղերու պէս հեծելով կը մխա՛ն  
Իրենց վշտոտ հէդ հոգիներն առ Աստուած:  
Հայ չկա՛յ ալ. աքսորուած է Հայաստան.  
Ու չոր գանկերն բուրք բուրք դիզուած ու անթաղ,  
Լէնկթիմուրեան նախճիկներուն յուշարձան՝  
Օճախներու աւերակին վրայ, աւա՛ղ,  
Գորշ բուերու նման հոյլ հոյլ դըրած բոյն,  
Մութ աչքերուն մահուան պաղ ցոլքն կը նետեն՝

Ա. Յուոր տարուած ծերերուն վրայ ազազուն,  
Զոհուիլ գացող ցեղին վրայ՝ հեռուէն:

\* \* \*

Ի՞նչ վայ, ի՞նչ վիշտ, ի՞նչ աւերներ տիրունակ  
Ատտիլայի ժառանգորդներն ոռնացող  
Կուտակե՛ր են հայու գլխուն. ի՞նչ վոհմակ  
Արիւնկզակ գաղաններու՝ ահ ու դող  
Տարածելով՝ կարմիր երախ է բացեր՝  
Անմեղներու արիւնին վրայ՝ անհամբեր:  
Ո՞ր Ներոնը խոլ հաճոյքի անձկագին  
Բոցն է վիչեր արտերուն վրայ հրախանձ.  
Ո՞ր բուռն աստուածն Եւողսսեան անձաւին  
Գոռ մըրիկներն բաց է թողեր, խո՛ւլ, անսանձ՝  
Արիւներանդ ափերէն վար Արաքսի.  
Մինչ լայն Եփրատն զմբուխտագոյն, յորդառատ,  
Միջագէտեան այդ Տարտարուն կը հոսի  
Մեր զոհերուն տաք, թարմ արիւնն անարատ :

Բ.

Երէկ արեւ կար հոս՝ ժպտուն, ու գեղջուկ՝  
Կեանքը անբաղդ վաստակեալին պտղարեր՝  
Վիրպիլեական մշակութեանց մէջ պարզուկ,  
Ծով գառնութեան կաթիլ մ'անուշ կը խառնէր:  
Երէկ, մանուկն, կախուած իր մօրն ստինքէն՝  
Գողցես թաղուած ոստրէի մը ծոցին մէջ՝  
Լոյս մարգրիտն էր՝ որ կը շողար ժպտելէն.

Եւ ցեղին յոյսն, վառ հաւատքին պէս անշէջ՝  
կը հըրահրէր թարմ հոգիներն սերունդին  
Մշտանորոգ խոստումներովն իտէալին :  
Երէկ բուրում կար հոս, ծաղիկ գունագեղ,  
Եւ աղջկանց զով ժալիսներն յոյժ չէնչող,  
Վարդերուն հետ կը չիկնէին ամէն տեղ :  
Երէկ կեանք կար, ու մեր հոգին երազող՝  
Անուրջներուն ջինջ պատկերին կը յառէր՝  
Լոյսին կառչող զերթ խօլաթոիչ մէկ թիթեռ :  
Այսօր, աւա՛ղ, Տանդէական գըժողքին  
Արհաւերքներն ահազդեցիկ, գիւական,  
Աստուածային քօմէտիի իրախճանքին  
կը միացնեն սեւ ոճիրներն թրքական :  
Այսօր՝ տեսէ՛ք, կը հեզնէ մեղ Աստուած ալ,  
Մինչ ամէնքը՝ ջարդըւողներն հընազանդ,  
Կարաւաններն աքսորական վաստակեալ,  
Աստուած, Աստուած կաղաղակին ջերմեռանդ :  
Այսօր՝ վիհ մ'է նշդրակող աչքն արարչին,  
Մինչ դարերով զայն պայծառ աստղ մը կարծած,  
Մեր հէտ յոյսերն կատեր էինք իր շողին՝  
Սփինքսային խոստումներէն պատրըւած :

Գ.

Դաշտերուն մէջ, տուներուն վրայ՝ արիւն կայ .  
Ու մեր ինեղ սիրտն արհաւերքէն կը դողայ :  
Ի՞նչ վայ, ի՞նչ վիշտ, այս զոհերուն արիւնն բոց  
Բոսոր շաւիդ մը կը բանայ վշտախոց ,

Ոխի երակ մը կուրծքիս տակ ալեկոծ :  
Պատկած հոգւով կը ծծեմ ես երակն այդ,  
Անոր զինին կըմպեմ արբշու, անիւընայ .  
Ես Արամազդն եմ ու գանկէս բարկածայթ,  
Զերթ նոր Պալլաս՝ վրէժի ոգին կը պոռթկայ :  
Նոր Աստուածն է ան կատաղի, անսասան,  
Տոհմին ոգի՛ն, որ սիզածեմ կը կանդնի .  
Եւ Նեմեսիս՝ ոճիրին զէմ վայրենի՝  
Նայուածքներէն բոցէ շանթեր կը տեղան :  
— Արիւ՛ն բոսոր՝ ցեղին թափած արեան գէմ,  
կը գոռայ ան — գարշանքներ կան, աղոտեր չին  
Պղծութիւններ, արատներ կան վատ, նըսեմ,  
Արեան բիթե՛ր, որ լո՛կ արեամբ կը սրբուին :  
Եւ խարաններն անսպատութեան թէ մընան  
Ճակատներու մարմարին վրայ վշտաղին,  
Ստրկութեան դատակնիքներ են նըման  
Գոհարներու չող ծոցն ինկած մըրութին :  
Արի՛ն, արիւն, մորթւածներուն վրկագին, —  
Երբ թարմ արիւնն տոհմին՝ հեղեղ է կազմեր  
Կուրծքերու տակ, արցունքի մէջ հեղձագին .  
Երբ լուսնկան կը տժդունի մահաստուէր  
Աւերներու մոխիրին վրայ թաղծալի .  
Եւ երբ աստղերն՝ մարդոց սրտէ՛ն աւելի  
Անմեղ արեան ի տես դթոտ կը նուաղին,  
Ցեղին ոգին արի՛ն կուզէ արեան դին .  
Ու վրէժին արդարութիւնն բոնաքանդ  
Կըլլայ օրէնքն ազատութեան անկաշկանդ :

Դ.

Արիւ՞ն, — դոռաց վեհ Նեմեսիս ահարկու,  
 Եւ հոգիներն մեր տանջըւած հայրերուն,  
 Համլէթական Փանթօմներու պէս անքուն  
 Վեր կանդնեցան զըրահաղարդ՝ փշելու  
 Սերունդին մէջ վրէժի սուրբ հուրն մահացու:  
 Զանոնք տեսան՝ արեւուտքին չայտատան,  
 Եւ վրէժինդիր գունդերուն պէս սրբազն  
 Թէրէական երեք հարիւր քաջներուն,  
 Ահա կերթան մեր կարիճներն ոխասուն:  
 Զով լեռներէն, սէպ ժայռերէն կարտորան  
 Հոն՝ ուր ողբեր կան, ավելնեան անձաւնե՛ր,  
 Միլտոնական զըսովքներու տեսլինե՛ր.  
 Հոն՝ ուր վախ, սով, ոճիր, արցունք, վիշտեր կան,  
 Մելամաղձոտ ծերութիւններ գրկախառն՝  
 Վտիտ մանկանց հետ անօթի՝ կը տքան:  
 Եւ կատաղիքն ու կուներն, անդաղար,  
 Բազմագլխեան գարշ ճիւաղներն ու հիղրան,  
 Օձագլուխ Մետուսայի նայուածքով՝  
 Մահ կը սփոքն գիւտածիծաղ խնդալով:  
 Հոն՝ արիւնի ովկեանին վրայ մխացող,  
 Շոդիներու պատկերին մէջ ամպածոր,  
 Ռազմիկները հայ գունդերուն արշաւող  
 Հոմերական հերոսներուն պէս հըզօր՝  
 Կարծես իջած մութ աքերոնն վշտեղէն,  
 Միլելոյ մը թոչող հոգին կը փնտոեն:

Հոն՝ հոգիներն մեր հայրերուն մահաստուեր՝  
 Հին արարչին նման անքուն, ալեհեր,  
 Որ կը ծփար տարրերուն վրայ նախնական՝  
 Սարսըռալով անմխիթար կը ծփան՝  
 Զաւկըներուն արեան վերեւ լըճացած:  
 Ա՛հ կը աեսնեմ, նրբին դէմքդ ալ արիւնած  
 Ո՛վ իմ հայրս, ո՞ր զեւն արդեօք վատերես՝  
 Յանդզնեցաւ խեղճուկ սրտիդ մէջ տկար՝  
 Բիրտ եաթաղանն անարդ մխել, ու լո՞նչպէս,  
 Զիւնասպիտակ թելերն վետառուած մօրուքիդ,  
 Զի փոխուեցան փայլակներու բոցավառ՝  
 Կայծակելու խուլ, անդութ սիրտն ոսոխիդ:  
 Ո՞ր գաղանը աղտոտ ոտքով կոխկոտեց  
 Քու ծերութեանդ ձիւնին վըրայ անարատ.  
 Եւ ինչու՞ ես, այսպէս հեռի՛, վշտահեծ՝  
 Քովդ չէի զերթ ենէսս մանվեհեր,  
 Հսկայորդին՝ որ քաջարար ուսն առած՝  
 Անքիսը ծեր տարաւ հեռուն աղտատած:  
 Այլ քու թոչող ստուերիդ հետ կը տեսնեմ  
 Բիւրաւորնե՛ր, բոլորն ալ հայր են ինծի, —  
 Ու եղբայրներ, քոյրեր, զաւկներ տիրագէմ,  
 Եւ զեռ անո՞նք՝ հայ տաղանդներն պաշտելի՝  
 Մեր մտքերու ծնողներն, լոյսերն այս ցեղին, —  
 Ո՛հ, համակ ազգ մը թորգոմեան նահատակ, —  
 Յարգա՞նք ձեզի, եւ ո՞վ է որ սրտագին,  
 Պիտի չուզէր մեռնիլ աղատ՝ սիրաբնակ

Հաւատքին մէջ ձեր հայրերուն, քան ապրիլ՝  
Հաւատափոխ ու ազգուրաց դարչածիլ:  
Եւ

Ո՞վ հայ անմահ, զարմ՝ դարերով հալածեալ,  
Աւարայրներդ ամէն տեղ են. ամէն ժայռ,  
Քեզի համար շղթայ մ'ունի եւ դուն ալ՝  
Պրոմէթէս կալանաւոր, վշտահար,  
Քու հանճարիդ աստուծասուր կըրակին  
Վա՛ռ, ոսկի բոցն արեւելքին ձօնելով՝  
Ճակատագիրդ եղաւ անդութ, սեւ, մթին՝  
Մարտիրոսուիլ մարդոց համար տանջանքով:  
Պրոմէթէս լոի՛կ, անվախ՝ կովկասեան  
Ժայռին ներքեւ կը հեծես դուն համբերող.  
Եւ թուրքը դուլ, անդըլ մ'անդութ ու դաժան՝  
Կը բգքտէ լիարդը անդուլ եւ անդող:  
Ժայռն ու չղթան, անդըլն անրան՝ մեծապէ՛ս  
Դուն կանդոսնես, ու չարչարանքդ անբաժան՝  
Աստուծներու հպարտութեամբն կը զսպես:  
Ի՞նչ պիտ՝ ըլլայ տառապանքիդ մարդասէր՝  
Վարձատրութիւնն ու գեղ պսակն, եւ արդեօք՝  
Անդա՞մ մըն ալ պիտի դառնանք զոհաբեր՝  
Այս արիւնոտ դիակներուն անձկանօք,  
Եւ հարցընենք պիտի անյոյս վաճառուած, —  
«Ո՞վ կարող է մեր ապագան գուշակել:»  
Արդեօք հե՞ղ մ'ալ մեր հեզ հայրերն շարք կա-

պած

Վէս Աստուծոյ աթոռին շուրջ անարգել,  
Երբայական քահանայից ոլէս քաւուոր,  
Փուշէ պսակ պիտի կրեն ու լալով՝  
Մեր մեղքերուն, յանցանքներուն վըրայ սին,  
Պիտի դիտնան, միայն զոհի՛ դիմակով՝  
Արցունք թափել, աւաղելով բաղդերնին:  
՚Թէ այլպէս է. մարդկութիւնն այս շահասէր  
Թող կորսուի հեղեղներու տակ՝ անտէր.  
Եւ ո՛չ մէկ կեանք, եւ ո՛չ մէկ նոյ խընայուած  
Թարմ ձիթաձիւղն տեսնէ յոյսի նոր ծըլած:  
Ոչ մէկ ճաճանչ ու ծիածան երկնալար  
Արգարութեան նշանէ սուրբ հաշտութիւնն.  
Եւ ո՛չ մէկ շունչ աղաւնիի գայ մարդուն՝  
Աւետարեր ցամքած արեանն բոցալառ:  
Եւ կամ թիմոն Շէյքարիլեան ոխահար,  
Անտառներու մէջ մարդատեաց՝ այլ անկախ,  
Անագորոյն մենք հեղնէինք մարդկութեան:  
Կեղծիքն ու վիշտն, ժպիտն ու ցաւն դիւական:  
Դամբանին վրայ անիծէինք մարդ ճիւաղն.—  
«Աստ հանդչի հայն, որ կենդանի ու թափուր,  
Ատեց մարդիկն. եւ թող ժանտախան քեզ ուտէ՛,  
Անցիր շիրմէս. անիծէ՛ զիս կուշտ ու կուռ,  
Բայց անցի՛ր չո՛ւս եւ քայլըդ զիս չի պղծէ՛:»



ՄԱՐԴԿՈՒԹԵԱՆ ԶԱՅՆԸ

ԱՍՑՈՒԾՈՅ ԶԱՅՆՆ Է

Որու՞ անուամբ այս նախնիքներն դիւային,  
կը գործուին այսօր, ինչո՞ւ շիլ աչքով՝  
Տառապանքին վրայ մարդուն կը նային:  
Տիեզերքին ուժերն ինչու՞ ցաւելով՝  
Զերք աստուածներ Ողիմպական վար չե՞ն գար՝  
Մեր կեանքերուն իրողուրեանցն տիսրալուր,  
Խառնելու քաղցր սփոփանքի գուրքն արդար:  
Միքէ՛ ուժի օրէնքէն վեր անմաքուր՝  
Զկա՞յ օրէնք մազատ, սիրով ապրելու,  
Օրէնքն անգիր՝ փոքր, տառապող ազգերու:  
Եւ միքէ՛ մենի՛ Տիգրաններու քագակիր,  
Արշակներու, Վարդաններու սուրբ երկիրն,  
Զի ձօնեցի՞ն այդ օրէնքին աննըման՝  
Մեր արցունքով, մեր արիւնովն սրբազան,  
Որ՝ անաղիք բռնապետներն այս վայրագ,  
Խուլ բռնուրեամբ մարդակործան, իմաստակ,  
Իրենց ոճիրն արդարացնել կը ժպրիին՝  
Վերապրումի յիմարուրեամբն զայրագին։  
Ո՞ւ տիեզերք գեղեցկուրեան բազմազան,  
Դուն՝ որ առիւծն ստեղծեցիր բոցերախ,  
Ու սոխակներն տիսրախօսիկ եւ խաղաղ.  
Դուն՝ որ ուժին տուիր ակռայ եւ նիրան,  
Ու բռչնիկին դայլայլիկներ բռնական։

Օրէ՞նքդ է քու արիւնն ու մահն անխափան . . .  
Եքէ օրէնքդ է գարշ ուտելն եւ օրէնք՝  
Ապրիլն ազատ, սէրերով դաշն ու աննենգ,  
Ուտողներու բռնուրեան դէմ վայրենի՝  
Պիտի զինուին քաջ տկարներն կենդանի։  
Պատերազմի, աւերներու ընդմէջէն,  
Շունչ մը ազնիւ, հեւք մը բարի, յոյս մը շէն՝  
Մարդկուրենէն արդարասէր պիտ' երքայ՝  
Յաւէտ խեղնին, ննշուածներուն աներկբայ։  
Եւ օր մը նոր, օրէնքէն վեր մարդկային,  
Զօրուրեան սեղ բռնապետին՝ պիտ' կանգնին,  
Հաշտ ապրելու իրաւունքին ախոյեան  
Սերունդներու՝ սիրոյ օրէնքն ու ատեանն։  
Այդ օրը նոր, այդ օրը սուրբ, քանիազմին,  
Վերապրելու սին տիսրալուներն ուժեղին՝  
Ո՛չ բռնուրեան, այլ սիրոյ վրայ պիտ' դասուին։  
Եւ փոքր, լոիկ ձայնն մարդկուրեան վերածնող՝  
Փոքրորիկէն, երկրաշարժէն ու լափող  
Բոց հուրէն եսք՝ օրէնք դասցած մշտակայ  
Արդարուրեան աստուածին ձայնն պիտ' ըլլայ։



ԱՅՐԵՇ ԻՆՉ ՈՐ ՊԱՇՏԵՑԻՐ

Զեր նամբուն վրայ պառկած մեռելներէն  
պիտի նանչնա՞՝ քէ ես Տէրն եմ, ըստ  
Եհովան :

Մանկութենէս ի վեր զեղ վնտուեցի, —  
Ո՞վ Տէր, անմեղներու տանարն, —  
Ըդանիքներուս ընծաներուն վրայ յարգի՝  
Սրտիս օրինենքներուն բուրվառն,  
Անկեղծ ուխտով մը ծորեցի խնկավառ :

Հոգոյս խորէն շատ հեղ զեղ մերժեցի, —  
Ո՞վ Տէր, նոր գիտութեամբ արքշին,  
Ու չարիքին աւերներէն ահոելի,  
Աստուա՛ծ, չգոյութիւնդ անգիր,  
Երդիքներուն վրայ ազատ փողեցի :

Այլ դուն եկար իին սիրոյս պէս ու գացիր՝  
Աստուա՛ծ, անհաս մտքիս խորհուրդն,  
Ես սկեպտիկ մը տատանող, անձկալիր,  
Սրտիս բաղմանքներուն ի յագուրդ,  
Քեզ ըդացի ու երեմն ալ անտարբեր՝  
Ուրացայ քեզ մեռած սիրովս կարեվէր :

Ո՞վ Տէր, այլեւս անհաւատ չեմ զերմախանդ,  
Դուն կա՛ս, հաստի՛չ անխռով,

Սիա՛ ջարդերն, ահա աղէտֆն հայաբանի՝  
Դաժան, անժխտելի փաստով,  
Քու գոյութիւնդ կը յայտնեն արդ անվրդով :

Դուն Տէրն էիր չարին, անոր դատաւորն,  
Աստուա՛ծ, աղէտֆներու աղբիւր,  
Այլ սասանեալ գահիդ ահէն հոգեծիւր,  
Զայն՝ սատանայ մահաբոյր՝  
Մեր կործանման ուխտեցիր դառն, ահաւոր :

Անցա՛ւ քու դարդ, հայուն համար ա՛լ մեռա՛ր,  
Ո՞վ Տէր, ա՛լ վըրանիս մի՛ խնդար :

ՄԱՐԴԸ ԱՆՑՈՂ ԹՌՉՈՒՆՆ

Ինչո՞ւ հէզ մարդն՝ անցնող քոչուն մը հեւքոս,  
Տիեզերքի բոշա՞ն, անօգ, քափառկոտ,  
Ա՛հ, ինչո՞ւ մարդն խուլ ուժերուն զօրաւոր  
Թէ՛ իշխանն է, քէ խամաճիկն բանաւոր.  
Ինչո՞ւ դարեր եղբայրութեան սիրակէզ

Զեն ուսուցեր անոր՝ քէ դաշն, մեղմ ու հեղ  
Տիեզերքի երջանկութիւնն անբաժան  
Էակներու հաշտ ապրելու տեւական  
Շահուն՝ այլ ոչ ուժին վրայ է հիմնեւած :

Աւա՛ղ, ոչի՞նչ, ոչի՞նչ փոխած է մարդն դեռ,  
Ո՛չ կրօնիներն, ո՛չ հաւատքը, ո՛չ դարե՛ր  
Զարգացումի .— ասոնք բոլորն ալ ընտիր  
Կեղծիներ են, լո՛կ պիտակներ պատրալիք :

Քանդող հանճարն՝ մարդ էակին՝ դիւային  
Ռնիրները, ջարդերն իրուտ, սուրն, արիւնն,  
Անհատապաշտ տիրութեամբ մը բռնազին,  
Անխախտ օրէնքն է դարձուցած իր շահուն.  
Խսկ նախանձը, սէգ եսն հպարտ փառասուն  
Անդառնալի կործանումի կը տանին՝  
Բարեշրջող ազնիւ ուժերն այս կեանքին :

\* \* \*

Ի՞նչ է այն ուժն խորհրդաւոր, անօրէն,  
Որ կը վարէ նակատազիրն անսահման՝  
Աւերներու, հուրի, սուրի ընդմէջէն .  
Տքնողներու վաստակին բերքն ու ընծան  
Գանձերն սիրոյ, արուեստներու, գիտութեան,  
Ումանց եսի՞ն, փառքի՞ն շուայտ, անառակ  
Պիտի սպաս դրուին դարեր՝ մու՛ր համակ :

Ու անոնք որ ազատութեան ծխածանն  
Խեղն ազգերու վերեւ գումեղ կը պարզեն՝  
Իբրեւ դրօշ մը գեղածալ՝ հաշտութեան,  
Վաղն ալ արդեօֆ զայն կոլսկունել պիտ' չուզե՞ն,

Երբ սիրոյ տեղ իրենց շահերն անարզ, սին  
Իրաւունիներն մեր կը դասեն մարդկային :

Ուրեմն ի՛նչ .— Հե՞ղ մ'ալ մարդիկ անօրէն,  
Ճէգ տփարներն կոլսկուտելով պիտ' գննեն  
Խաղաղութիւնն իրենց հոգւոյն անհանդարտ .  
Անոնք յիմար նմանութիւնն են հպարտ  
Գողեադներու, սէգ բելերու սրազարդ .  
Եւ կը մոռնան քէ Հայկե՛ր կան, Դասիքնե՛ր,  
Զօրութեան դէմ հանճարը կայ աննըւան  
Յեղափոխուող ժողովրդոց, հըզօր, քազ :

Մարդը անցնող թռչունն է փուն, ունայն, խօլ .  
Տիեզերքի բռշա՞ն, անտէր, անձնամոլ,  
Այլ իր հանճարն՝ բանդող շահուն բռնավար  
Օրէնքին տեղ, օր մը անշուշտ, տիրաբար՝  
Կերտող շահուն օրէնքն կանգնէ պիտ' արդար :



Ա Ա Մ Բ Ի Ռ Ը

Արշակ Զօպանեանի

Արեւմուտքի բեհեղները վարդավառ,  
Սուքի լայն քողն կը հազնին մութ, անդադար.  
Կեանքի շշուկն կը լոէ շուտ եւ մահուան  
Տխուր, սեւ չուքն՝ աւերներէն ծուխ—բերան՝  
Հայաստանի դալուկ լուսնին մէջ տըմոյն՝  
Կը ցոլացնէ ննջողներու պատկերն քուն:  
Դարանակալ վամբիո մը բիրտ, կեղեքիչ,  
Մուայլ որջին կը հոկէ խորն դիւաճիչ՝  
Ապրողներու անմեղ բոյլին վրայ խաղաղ.  
Այդ գիշերուան պահապաններն ալ, աւա՛ղ,  
Հօտաղներու պէս լքեր են անտարբեր՝  
Հէդ հայութիւնն՝ գաղաններու որս ու կեր:  
Ստուերները հոգեցու պէս յոդնաթեւ,  
Կը ծածանին զոհերու շուրջն ու վերեւ.  
Ու վամբիոը ըմբոշինումին խրախճանքի՝  
Տապկող շրթունքն շողոտելով կը յառի:  
Արիւն կայ հոն, բոսորափայլ, լայնալիճ,  
Ու գոլորշին իբրեւ զըմուռս գրաւիչ,  
Կը չնչէ ինք, գարշ ոռուքերով լիաթոք,  
Ա՛հ, զոհերու ճակատագիրն որու՞ հոգ:

\* \* \*

Զերթ Միտոննեան անդնդաշու սատանայ՝  
Վամբիոն այն սեւ արեան լձին ալ վըրայ

Տարածեր է խաւար թեւերն, կը մխա՛յ.  
Աչքերուն մէջ ազահներուն իղձը կայ.  
Ու խուլ հոգին կ'ըսէ իրեն անձկալիր —  
— Արի՞ւն կ'ուղես, խմէ՛ զայն ու կշտացիր.  
Խըմէ՛, ցաւերդ՝ գինովութիւնն այդ արեան,  
Նախանձիդ հետ պիտի մոռցնէ յաւխտեան:  
Մտուերները դեռ չի մարած գիշերուայ,  
Վամբիոն յանկարծ խոլ խրախճանքէն կարթննայ.  
Այդ լիձին մէջ պատկերներ կան խիստ դժխեմ,  
Որ խոնըւեր են իր բոլորն ժանտաղէմ:  
Ահա՛ թիմուրն, ահա ներոնն խօլական,  
Ու Ատտիլան, Հոներն վայրագ կը խնդան՝  
Շուրքի մը զոր Վամբիոն անշուշտ կը մանչնայ:  
— Համիտն է ան, կը մրմնջէ՛ ոահվիրայ:  
Խրախճանքի արբեցումէն չի զարթնած,  
Դաժան դէմքերն հոյլ մը ապուա տիրամած՝  
Կարծես ուրուրն տեսած՝ ահով կը թոչին  
Արեան լձէն՝ կափկափելով, առանձին:  
Վամբիոն հո՞ն է, արիւնկզակ, տընաւեր,  
Ու անոնց ճիչն գլխուն վերեւ է կախեր  
Անէծքի պէս իր վաս անունը՝ ինպէ՛ր:  
Էնվէ՛ր — ի՞նչ են ատտիլաններն ու թիմուրն՝  
Գիշերուան մը գուլ ճրագներն զարշամուր,  
Որ կը ցնդին իր արեւին մէջ վառ հուր.  
Ու ներոններն՝ ի՞նչ ցնորածներ անօրէն,  
Որ հրդէհէն ու արիւնէն կը քաղեն՝  
Լոկ փուճ երգի ներշնչումներ օդեղին:

Վամբիոն անոնց մտածելով ծիծաղկոս՝  
— Կ'անդոսնե՛մ ձեզ, կը պոռայ վեր՝ քամահրոս.—  
Եր ծիծաղը յաղթանակն է հանձարին,  
Ու աչքերէն խոր անդունդներն կը նային :

Բ.

Աղջամուղին խաւար շուրերն թխաղաղին  
Աւերի մը վառ անկիւնէն կը ցնդին.  
Այդ մութին մէջ փայլող ճրագն գուղնաքեայ՝  
Աւելի՛ լոյս, աւելի՛ շող կը տեղայ՝  
Քան բիւր լոյսեր՝ արեւին մէջ ցորեկուայ.  
Ի՞նչ լոյս է որ հունա պսպղուն կը շողայ  
Զոհուածներու այդ օճախէն ցիրուցան,  
Ողի՞ն է ան, վրէժի ողի՞ն հայկական,  
Ու վատ Վամբիոն արդէն ահով կը սարսոսա՞յ:

## ՈԳԻՆ

Ան կը խօսի. Աստուծոյ ձայնն է կարծես,  
Որ ամպերէն, որ բոցավառ, հըրակէղ  
Մորենիէն ցասկոտ կամքով կը լսուի.  
— Վամբի՛ո, որ գքեղ Մաքիավէլ մ'ամեհի  
Կարծեցիր դուն. ըսի՞՝ ծնող սերունդներս  
Թո՛ղ պարծենան, թո՛ղ հոչակեն անվեհեր՝  
«Դիկտատոր մ'էր քաղաքագէտ՝ այս էնվէրն» :

Յուղա՛ն էիր դուն համբուրով, ժպտալիր,  
Իշխանութիւնով կաշառքի դէմ ծախեցիր:  
Էնվէ՛ր, անէ՛ծքն աստուածներու բռնապետ,  
Մեր արցունքին, մեր ողբերուն խնկաւէտ՝  
Ո՛չ ցօղն, ոչ բոյրն պիտ' ուռացնեն դարերով,  
Անարդ համբաւդ. Հեծկլտանքներն՝ վշտի՛ բով,  
Կոկորդներուն մէջ կայծկլտով են զսպուած.  
Ու կոչտ լորձունքն քամահրանքի ծաղրամած  
Գարշ դիակիդ իւղն ու օծումն պիտ' ըլլայ:  
Նախանձն էր քու մեծ ներշնչումդ առժամեայ,  
Ոճիրներով յաղթեցիր հոն՝ ուր հանձարն  
Խեղճ, մեղկ ցեղիդ՝ պարտըւած էր միշտ անձար:  
Եւ ջարդն երկչոտ միակ զէնքդ էր ապահով,  
Իշխելու հոն՝ ուր զարգացումն հոգեթով  
Արդարութիւնն ըայտ հայուն յոյսն ու չողն,  
Ու վերապրումն՝ փուշն էր կեանքիդ յար խայթող:

\* \* \*

Ան խօսեցաւ. իր շողին տակ, բոց աղուոր,  
Վամբիոին շուրջ ծխող խաւարն՝ բիւրաւոր  
Զղջիկանման թեւերու պէս սարսոսաշարժ,  
Հեւքոտ, թրթուուն խափանեցաւ գետնաքարչ:  
Աւերներուն կապոյտ երկինքն շողչողուն,  
Շափիւղայէ զմբէթ մ'եղած ջինջ, անհուն՝  
Անոր վըրայ արծաթ թեւերն աստըւան  
Աղաւնիի նազանքներով հանգչեցան:

ՎԱՄԲԻՌԻ

Ու գուլ վամբիոն այսպէս տըւաւ պատասխան .—  
— Ո՞վ ինծ ուսոյց աղարութիւնն անդոսնել,  
Համարձակիլ անլուրն ոճրի անարզել, —  
Ո՞վ հայ, դիմէ՛ այն հաւատքին յուսալիր  
Խոչալներուն՝ որոնցմով յար պանծացիր .  
«Պիտի ծընիս նոր աւելնով» կ'ըսէիր .  
Ահա մեռի՛ր անգութ ձեռքովս թրքական .  
Քու մայրերուդ բոց արգանդին մէջ համայն՝  
Ճզմեցի ես տոհմիր սերմերն յաւիտեան :  
Այլ, ու, ի՞նչ ուժ, ինչ լոյս հոգւոյ անարատ  
Բայց միայն յոյսն իմ բռնութեանս անհաւատ,  
Ամբապնդէր սլիտ՝ գոյութիւնս քայլայուած .  
Այն ուժն որ այժմ մարդկութիւններ զարդացած  
Վերածնունդի խորհըրդանշանն են սեպած,  
Յեսէ՛ք, անո՞վ ահա կապրիմ ապահով .  
Ազգերն համակ որ կատեն զիս պժգանքով,  
Կըսեն՝ «Վամբիոն առողջ մարմին մըն է դեռ,  
Պիտի ապրի անչուշա բազում այլ գարեր» :  
Ե՞նչպէս այդքան կը խըրոխտաս արդեօք, հա՛յ,  
Ելլամն էի՛ ես ամեհի ու հոկայ,  
Եւ բեկորներն զաւկըներուդ՝ պնդամուրց  
Ճիրաններէ՛ թող չի խայտան մազապուրծ .  
Ահա՛ կերթան անոնք յիմար, կորավիդ,  
Յէպի ափերն խոռ ճիւաղին Քարիպախ :

ՈԳԻՆ

Գ .  
— Իմ զաւակներս աղամանդիներ են չողակն,  
Քաւ ողին, որ կը թրթուար լո՛յս համակ .—  
Ու վատ ջարդերն՝ սուր հարուածներ հըրարձակ,  
Անոնց կողերն աղօտ մարմինն կը տաշէն,  
Եւ հարուածէն, ու աւերէն անխընայ,  
Հողին՝ անրիծ բոցով գոհար գուրս կուգայ:  
Իմ զաւակներս խեցիներ են հողեղէն,  
Զարդերն անոնց լո՛կ պատեաններն կը փշրէն .  
Այլ իրենց գոռ ողին մարդրիտ մը հնդկայ,  
Դարեր համբուն՝ սուրի, հուրի կը տոկայ:  
Կը յիշեմ դեռ, սէդ լէնկթիմուրն երկաթեայ՝  
Վարդենիի քաղաքին մէջ Սերաստիա,  
Երբ սրածման սեւ արհաւերքն կարեվէր՝  
Հայ մայրերու արգանդին մէջ կը տանէր,  
Ճէդ մանուկներ, բոյլ բոյլ, անմեղ, բիւրաւոր,  
Ճրէշտակատիպ ճերմակ չղարչ հազած նոր,  
Բուռ բուռ վարդի զեղանչոյլ փունջերով  
Զայն ողջունել ելան քաղցրիկ երգելով:  
Վայրագ թիմուրն՝ նժոյդ նստած, անողոք,  
Այլ ձիւնափայլ մանկանց հոյին, հեղ, անօտ,  
Խո՛ռ նայեցաւ. վարդերուն տակ ծանրաբեռն,  
Անոնք եկան՝ դողդոջուն ու խնկահեր,

Դալար խոտի գողցես ծփուն նուրբ ծիղեր՝  
 Հնձըւելու պատրաստ բարակ ցողուններ՝  
 Անոնց գիրդ սէրն կը հալեցնէր ցուրտ սառելն,  
 Անմեղութիւնն իրենց աչքէն կը խօսէր.  
 — Հա՛, մանուկներ, ցնծաց գազանն հեռուէն,  
 Եւ խուլ շեշտով հըրամայեց որ ջարդեն:  
 Հարիւր հազար վարդենիի Սերաստիան՝  
 Վարդերուն հետ իր մանկըսիքն ծաղկանման,  
 Լէնկթիմուրի ճամբուն վըրայ ժանտարեր  
 Սերմնացանի կոյր հաւատքովն կը ցանէր:  
 Վամբի՛ս, մեռա՛ն անոնք. ու՞ր է յաղթական  
 Իշխանութիւնն թիմուրներուն հայասպան,  
 Վարդերուն պէ՛ս կը կին ծընան ծաղկաշատ  
 Սեւ հողերէն նոր բողբոշներ կենսախայտ:

Դ.

—, Գնա՛, հայ սին, արդարութեան մանվեհեր՝  
 Սներեւոյթ ուժերն՝ գողցես կայծակներ՝  
 Սեւ դատակնիքն մահուան մը դառն՝ ճակտիս վրայ՝  
 Աւա՛զ, շատոնց զլօշեր էին մշտակայ:  
 Խաւարն ծնաւ զիս եւ կրկին՝ խուռներամ  
 Կոյր խաւարին արդ խոր վիրապն կը դառնամ:  
 Լըսէ՛, մեծ ուխտն նախանձառուն իմ ցեղիս  
 Կը լրանայ. չո՞ւտ ինձի հետ կը մեռնի՛ս:  
 Ինչու՞ այժմէն փուճ, ինքնախար, դիւրատես,

Սեւ ներկայէն աչքերդ աղօտ կը դարձնէս.  
 Ա՛հ, չե՞ս յիշեր թէ պաշտպաններդ այսօրուան,  
 Քեզ աճուրդի էին հաներ միաբան,  
 Սա վաճառման հրապարակիս վրայ երէկ:  
 Իզո՞ւր ո՛վ հայ, կզո՞ւր չուքէս դիւրաթեք  
 Նոր խաչակրաց կը յառես աչքդ յուսալիր.  
 Պարպարօսանն մեռա՛ւ՝ գահին վրայ տեսիր՝  
 Նեռնը անդութ բազմեր է ինծ զինակից:  
 Գնա՛, ա՛նմիտ, նայէ՛ յոյսիդ ցնորալից,  
 Տե՛ս դուն ահա՝ բարոյական մեծութեանդ  
 Հեշտ պատրանքներն՝ ջարդերէս ետք տընաքանդ,  
 Սա խաւարէն ծնող մեղմիկ արեւին  
 Նոր ցոլքերուն, լոյսին նման կը ցրուի՛ն:  
 Տե՛ս ողբդ է խուլ որ աչքերով սովամահ,  
 Կը գալարուի սարերէ ձոր՝ անակահ:  
 Շիրիմներէն ձեր պատուական, թանկագին,  
 Ինձի համար մեծ պալատներ կը շինուին,  
 Եւ մայրերուդ արդանդներէն մեղքըւած  
 Որ կը մխան նոռան ծաղկի պէս լայն բաց,  
 Զերթ թարմ միրգեր գունդ գլուխներն պտղանման  
 Մանուկներուն՝ հասուն փրցուած վար կիյնան:  
 Հասկերուն պէս մերկամարմին կը դողան,  
 Յօղունատիպ աղջընակներդ սրտկեղէք.  
 Ու ձեր կիներն ճամբաններուն վրայ թշուառ,  
 Մերկ զաւակնին կը քաշկոտեն անվաճառ:  
 Ասի կեա՞նք է թէ մահ անսիրտ, անօրէն,  
 Լսէ՛, «մեռա՛յ» այլեւս թուրքին նախանձէն:

Վամբիու, լըսէ, հառաջներուս հետ արդէն,  
Մարդակոխ ահաղանդներ կը հնչեն՝  
Արեւելքէն, արեւմուտքէն, գոռալէն:  
Պատերազմն է ահաղնադղորդ, բիւրուոր  
Թնդանօթի եւ բուռն, մոայլ, ամպաժխոր  
Երկինքներուն տակ կը սարսուա՞ն՝ տիրափայլ՝  
Հըզօր գահերն արքաներուն բոնակալ:  
Շիլ կեղծիքի գարերէն վերջ՝ օրէնքն է  
Խուլ զօրութեանց որ մարդկութեան կը տիրէ:  
Ու բանակներն մնձամըսունչ վրբիրեախ,  
Որ ալեաց պէս կը վշրուին զայրաբաղիւ,  
Եւ սրտերու ծուխ ոխն խառնուած՝ թունաւոր  
Արդւնշադախ պոռթկող հողին տղմածոր,  
Աղջամուղջին մարտիրոսուող ուժերն են՝  
Կամ գոռ ամպերն՝ որոնց իրար բաղխումէն,  
Պիտի ժայթքի բոնութեան վրայ՝ անխափան  
Արդարութեան շողուն փայլակն դերիշսան:  
Ահաւորին գեղեցկութիւնն սահմոկող,  
Վայրագութեանց բոնութիւններն, ահն ու դող,  
Հո՛ն գրկախառն կը հեւան դառն, դիւազին.  
Եւ ոճիրներն ժանտատեսիլ մահածին,  
Հերոսութեան փառքերուն մէջ երկնայած,  
Զերթ դալկահար արտասուքներ ծոցն ինկած

Ժողիտներու շքեղ բոցին՝ կը մարին:  
Փառքեր վնասոող կուրծքերու տակ փանաքի,  
Ուժեր դիվող մարդկութեանց մէջ փոքրոգի՝  
Օր մ'ալ անշուշտ չարիքի ցոլքն կը հալի:  
Բայց հո՛ն աւա՛ղ, ինչպէ՞ս ոճիրն գետնաքարչ  
Խնչպէս աւերն ու արցունքներն սրտաշարժ  
Կրնան մոռցուիլ. ու՞ր է արդեօք դուզնաքեայ  
Քաջութիւն մը, աղնիւ արարք մ'որ պիտ դայ՝  
Վամբիոէն զոհն՝ խոցուած սրտերն ամոքել:  
Բընա՛ւ, բընա՛ւ, դարեր համբուն անարգել,  
Այս սերունդին բողոքաշունչ խիղճն կրկին,  
Դարեհական ազգարարին նըման հին,  
Զարթնող հայուն պիտի ըսէ անդադար,  
— Յիշէ՛ չարդը ազգակործան, ո՛վ արդար:  
Վամբի՛ու, որ հեշտ տոհմիս արիւնն ծծեցիր,  
Համբուրելով կեղեքեցիր անխտիր,  
Միթէ պապա՞կն էր արիւնի անձնըւէր,  
Միթէ ի՞ղձն էր կողոպուտի վատըւէր,  
Անհնարին կատաղութեանցդ շիլ ազդակն:  
Այլ դուն զարկիր՝ անոնք ալ որ նըշաւակ՝  
Մորթուելու ստրկութիւնն հոգեցէջ,  
Յաւերժացնել տքներ էին ցեղին մէջ:  
Վամբիու, այս տոհմն ա՛լ չի սոսկար զոհ տալէն.  
Ստրկութիւնն էր մահն անոր դառն, արդէն:  
Ան սէրն ու խաչն, զոհողութիւնն սրտմահեծ,  
իր հանձարին յար ու նըման ստեղծեց,  
Վամբիու, դուն ալ դարչ ոճիրներն մահասուեր,

Սնունդն ըրէ մեռել հոգւոյդ զիշակեր :  
 Գիտցի՛ր, իմ ուժս հոգեկան է ու նրբին  
 Մարմին մը տկար կը բնակի՝ լուսածին  
 Զինեալ հոգիս . ան լոյսն է հզօր հրաշէկ,  
 Ելեկտրական չողն, ու մարմինս դիւրաբեկ՝  
 Գոնդ մ'ապակեայ ուր ամփոփուած՝ կը չողա՛յ .  
 Աւա՛ղ, վամբի՛ո ձեռքդ անզգամ ու հսկայ,  
 Զախշախեր է ապակեկունդն թափանցիկ,  
 Այլ յար կապրի՛ բընութեան մէջ գեղեցիկ,  
 Ողի-ուժը մարած լոյսին թռուցիկ :

## ՎԱՄԲԻՌԸ

— Խօսէ՛, խօսէ՛, լեզուիդ ճառերն այդ շըքեղ,  
 Պատրանքներուդ ծաղիկներն են դունագեղ,  
 Ոգին՝ որով պանծացիր դուն սնափառ,  
 Եղբայրատեաց կոխներու մէջ վատթար,  
 Երէկ՝ զոհն էր էնթրիկներուս դիւահնար,  
 Ոհիրիս՝ որ գլեց անցաւ ահաւոր,  
 Համբուն ծանօթ չարիքներն մէծ պատմութեան,  
 Այս աղէտքին՝ հանդէպ ի՞նչքան դեռ այսօր,  
 Հայու ողին քինախնդիր, պերճաբան,  
 Մնացեր է բաժան բաժան, կոռուպան:  
 Եւ հազիւ թէ մահուան քունէն արթնցած,  
 Անապատին արեւակէզ տիրամած  
 Ճամբաներէն քալող ճամցորդ մ'յոդնաբեկ,

Հրուտ աչքերն հայն յառեր է լայն ու չէկ  
 Շաւղին վլրայ լուռ, բրգացած Սփինքսին :  
 Ժպտուն յո՞յն է աղատութեան ալագայ,  
 Թէ զաղտնի վիշտն որ նայուածքէն կը ցոլայ:  
 Այլ՝ բաւ է ինձ այսքան սին ճառ քու վլրայ,  
 Ստուերները աղջամուղջին դիշերուայ,  
 Զերդ ստիւգեան մութ հոգիներ թիսպագին,  
 Անձաներու քաւարաններն կը քաշուին :  
 Անհուն վարդ մ'է այն արեգակն հրավառ,  
 Իր բոց չողերն երկար փուչեր՝ սո՛ւր պայծառ,  
 Եւ կամ օձի թոյն լեզունե՛ր, որ այժմէն՝  
 Արիւնալից սրտիս ալքերն կը խայթեն :

\* \* \*

Բսաւ. Եւ զերթ կայէն մթին խղճահար,  
 Խիտ չուքերէն, արահետէն զեռ խաւար,  
 Լոյսին առջեւ՝ որ աչքն էր լուռ, վրիժառու  
 Կայէն հալած հին աստուածին երկնաչու,  
 Սահեցաւ ան ըղձանքներովն գետնաքարչ  
 Դէպ աղջամուղջն զերեզմանին սեւ, անշարժ :

Ողին հայկայ՝ աստուածին չունչն գողցես լոյս,  
 Կը ծածանէր տարբերուն վրայ խոռվայորի,  
 Առաքեալի՛ ողին էր ան զոհարեր՝  
 Ճակատագրի նոր պատգամին կսպասէր :

ԱՆՈՒՐՉԻ ՑՈԼՔԵՐ ԵՒ ԸՆՉԱՆՔԻ ԵՐԳԵՐ

ՊԱՏՐԱՆՔՆԵՐԸ

Հոգիս քերեւ քիբեռնիկ,  
Պար է բռներ խօլական.  
Եւ պատրանքներն երջանիկ՝  
Զերք նահանչներ ծիածան,  
Անուրջներու մեղեդիկն հետ աղու,  
Անոր ըդանիք կուտան արբշիու պարելու .

Ոմանիք շալիդ են ոսկի՝  
Շող պատրանքներն երկնասլաց,  
Որոնց վըրայ կը սահի՝  
Թիբեռ հոգին հիացած :  
Խոկ ուրիշներ այրող շանքեր հըրացայտ,  
Կը կայծակեն իր հէգ սրտիկն կենսախայտ :

\* \* \*

Սիրտս մեղու մ'է աշխոյժ,  
Բիւր ծաղիկներ գեղարոյր՝  
Շուշան, մեխսակ, վարդ քնիքոյտ,  
Պատրանքներն են խնկարոյր,  
Որոնց ոսկի քաժակ ծոցին մէջն աղուոր,  
Ան կը ծծէ՝ յոյսի նեկտարն մեղրածոր :

Ոմանիք քաղցր են՝ ընտանի  
Խունիկ ծաղիկներն իիւրաւէտ.  
Խոկ ուրիշներ՝ վայրենի  
Դառնահամ են, եւ յաւէտ՝  
Մեղրոտ յոյսին խառնելով վիշտն արցունքին,  
Կը նըմանին պատրանքներուս մըտածին :

\* \* \*

Շող պատրանքներն այս կեանիքին՝  
Խնձորներն են ոսկեցօղ  
Հին աստղիկեան տաճարին,  
Ու մենիք՝ յիմար, արշաւող  
Աքալանքան՝ որ շըլացած, չարանենգ  
Պատրուելով՝ անոնց առջեւ կամգ կառնենգ :

Պատրանքները՝ մեր մոտին  
Անուրջներն են սնափառ .  
Ոմանիք մեղմի՛կ կը ցնդին .  
Խոկ ուրիշներ՝ սիրահար  
Նարկիսներ են, որ ցոլացած մեր սէրէն՝  
Լոյս պատկերնեն մեր իդախն մէջ կը տեսնեն :

Ու հոգինիս յուսածին,  
Օրօրցն ու գերեզմանն՝  
Մեր սէրերուն քանկագին,  
Յանոսին պէս երկդիմեան,  
Ժպիտ կուտայ փրեռող իդախն փառաւոր,  
Մինչ պատրանքին՝ դառըն անէծք մը խոնդոն :

ԿԵԱՆՔԸ

Ըղանեներուս սամուրազգեստ մէկ գիշերն,  
Խնծի եկաւ շէնշող երազ մը յուշիկ՝  
Զեփիւռին պէս քաղցրասիզ։  
Ան սիրատարի կը փայլէր,  
Խոկ ես հոգի՝ մատղաշ յոյժ,  
Անփորձ էի հրապոյրներուն խիստ քնինյշ։

Սլապաստրէ նոյս ուսերէն հոլանի՝  
Պատրանեներու շղարշն կիշտէր ծիրանի.  
Ու աչքերէն սէրն անդուլ՝  
Արցունեներով ցօ'ղ, նշոյլ,  
Մոռացումի երամութեամբն կը լեցնէր,  
Պատանեկան սրտիս յուզուած, խոր ալքերն։

Իր համբոյրներն սխրալի  
Հիրիկ, քրքում, յասմիկ ու վարդ, շուշաննե՞ր  
Կը բուրէին հանելի.  
Քայլերուն հետ ուխտանուէր,  
Երկինեներուն արփիական շընորհներն  
Կը նեմէին նազելի։

Անփորձ հոգւոյս արբշիոին մէջ սիրազեղ,  
Տրիտոնի իմ նակատազրիս, ընծա՞յ գեղ,  
Խնծի եկաւ եւան ունայն ինքնընտիր.

Ո՞ր աստուածին նուէրն էր ան պատրալիք՝  
Զոր խօլական, ըղձալի՝  
Սրտիս վըրայ սեղմեցի։

Տարփուն Եւա՛, կեանքիս պատկերն դալկացած,  
Խնչ գուլ ձեռք էր, որ գաղտնի սիրտդ էր հաստած.  
Ըղանեներուս դէմ քացուեցաւ ան, ահա՛,  
Փանտորայի տուփին նըման դուզնամեայ.  
Եւ աղէտքներն, վիշտերն անքիւ իր ծոցէն՝  
Դուրս սահելով մխալէն.  
Կեանքիս վըրայ կը խուժեն։

Եւա՛ ցաւոտ, կեանքիս պատկե՛րն խարեբայ,  
Փակէ՛ այդ սիրտն պարպըւած.  
Ու քող գոնէ հոգւոյս խորը դեռ մընայ,  
Յոյսը պսպղուն միշտ փակուած։



## Ս Ի Կ Ա. Ռ Ը

Քանի շունչըդ սիգանեմ,  
Կընդրկացած՝ արքշիռ հոգւով կը ժաշեմ,  
Սիրտըդ վխրուն կարիւնի,  
Կապոյտ հեւփովն հիւծախտաւոր պըւէտի:

Ու վառ արիւնդ դուրս խուժող՝  
Մատներուս վրայ հայլիացած հըրաշող՝  
Զերբ մատնի մը յակնդեայ՝  
Անմեղ կոյսի բո՞ց, բոց աչքովն կը շողայ:

Անիւնիդ պէս որ ներմակ՝  
Պայծառ կրակդ կը պահէ միշտ բոցապսակ,  
Նուրբ ծուկներդ քեւաւոր  
Գանկիս ջինջ բոցն կը պահեն վառ՝ այլ անդոքք:

Գըլան մարմնով սիկա՛ռ քաց,  
Մեր կեանիերն ալ բաղդին ձեռքը սղմըւած,  
Ումանի՛ ժեզ պէս թէեւ հէզ,  
Յակինդ հուրիդ փառքը կառնեն հըրաշէկ.

Խսկ ուրիշներ՝ երա՛զ սին,  
Ծուլսիդ նըման նօսրնալով կը ցնդին.  
Ումանի՛ բոցէդ վաղանցուկ,  
Դիւքուած՝ անիւնիդ կը մոռնան զորշ տխրաշուք:

Բայց իմ հոգիս կը տեսնայ՝  
Արիւներանգ պատկերիդ մէջ հըրաշեայ,  
Իմ յոյսերուս դէմքն արի՝  
Որ հուր, որ ծուխ սպառելով կը մարի:



ԴԵՂՉԱՆԻԿԻ

Դրացիս պատուհանին վանդակուած  
Երկա՞ր, երկա՞ր տարիներ,  
Դեղձանիկ մը՝ գեղափետուր, սիրազգած,  
Զուարք սրտով մը կերգէր:

Ամէն առտու՝ գեղանի դէմք մ'ոսկեհեր,  
Շմարտ հագած թրբռուն,  
Վարագոյքներն ետ ֆշելով կը բացուէր,  
Վանդակին վրայ նոռողուն:

— Դեղձանիկի հոգի մ'ունի զգայուն,—  
Կը խորհեկի իւրովի,  
Ու իմ նոր սէրս քոչնիկին պէս գորովի՝  
Կերգէր իր գեղն սիրասուն:

\* \* \*

Դրացիս պատուհանին զլտորած՝  
Օր մը ախո՞ւր, ամպամած,  
Մայրին վըրայ ինկած գուայ զայն անշուն՝  
Դեղձանիկը անտրտուն:

Փոքրիկ մարմինն ափերուս մէջ տաքցուցի,  
Աւա՞լ, մեռեր էր արդէն.

Պատուհանէն հնչեց ձայն մը կանացի·  
Թերեւ, ծաղրոս, խնդալէն:

— Ա'լ չէր երգեր, ծերացեր էր՝ նետեցի՝,—  
Կ'ըսէր աղուորն դըրացի,  
Ու շղարշին ետեւ պահուած կը հեգնէր՝  
Զոհն ու գուքը անձնլւէր:

— Ընչեղներու հոգին ունի այդ կնիկն ·—  
Ըսի սառած քոչնիկին,  
Ու հէզ մարմնիդ հետ ես ալ այժմ կը քաղեն՝  
Մեռա՞ծ, փուն սէրս դալկադէմ:


— Լսէ՛, քոչուն, գեղեցիկ չէ՛ր այդ կնիկն,  
Եւ դուն մարդոց պէս յուշիկ՝  
Խեղն կեանիդ համբուն քար սրտի մը նուիրած՝  
Գուրս նետուեցար՝ ծերացած:

Ի՞նչ էր մեծ վարձքն երջանկութեան զոր տուիյ:  
Շաքարի մը բեկո՞րն ցիր.  
Թոչնիկ ֆեզի կեանի մը տամ,  
Երգիդ համար քաղցրահամ:

Թոչնիկ, աչքին այլասեռած ընչեղին,  
Արծարն իշխան է հիմա.

Թշուատին ելքն , արցունին ու կեանին դուզնաքեայ՝  
Լումաներով կը չափուին :

Թուշնի՛կ , հո՛գի՝ որ կը խղնաս բարձունիքն  
Տիրուհեւոյդ վրայ անօրէն ,  
Գնա՛ , տեսի՛ր , թէ երկնից մէջ արդեօֆ կա՞յ .  
Երախտիքը հնօրեայ :



### ԵՐԶԱՆԿՈՒԹԻՒՆ

Իրիկուն մը սենակս եկաւ առանձին .  
Տխուր էի . ինք՝ ժպտեցաւ հեշտագին ,  
Ու սահելով հարսի մը պէս ամշկոտ ,  
Համբուրեց զիս , օքքունիներով կրենոտ :

Մուրք մը մոայլ սենեակն պատեր էր արդէն ,  
Ճրագ մը լ'ոկ կը պլպլար հեւալէն ,  
Ու ծաղրելով մեր գաղտնիքը սիրանուէր՝  
Ցոլքի մը մէջ խօլ պնդուիխս կը մատնէր :

Հուրին էր ան երազներուս՝ գեղահեր ,  
Ծիածանը բիւրեղ աչքէն կը ծաքէր ,  
Հազած ոսկի , վառ շարշներ պապրդուն՝  
Վերջալոյսին իրայրէն ունէր այդ իրկուն :

Վերջալոյսին պէս ալ եկաւ՝ անծանօք  
Իյնալ մեղկ զոգն ըդանիներուս մրրկոտ .  
Ինք հառաջեց . ես հրճուեցայ զինովցած՝  
Համբոյրներէն , հեշտ երգերէն մեղմ ու ցած :

Ու պաշտեցի անմահ սիրով մը ես զայն ,  
Մարե՛ր էր ալ՝ նըրագն աղօտ , անպիտան ,  
Բուռ մը աստղեր շուրջ պար կապած խնդագին  
Սենեակիս մէջ հարսնիքնիս կը տօնէին :

\* \* \*

Սիրեցի զինք , երջանկութեա՞ն քրմուհին ,  
Սէրը խենք էր . ես՝ պատաճի մոլեգին .  
Ու պատռելով շող շըլարշներն կանացի ,  
Մրտիս վըրայ զինքը աղմել ըղձացի :

Սառա՞ծ էր ան . ես դողացի սոսկահար ,  
Կմախնք մը կար ֆիստաճին տակ , ու գոհար  
Շըլարշ , ոսկի , վառ մարգրիտներ , սի՞ն պատաճի՝  
Մածկեր էին երջանկութիւնը պստրաճի :

Կմախնք մը չոր կը խշխըշար կուրծքիս դէմ ,  
Երջանկութիւնն էր որ , աւա՛դ , դառն , նըսեմ ,  
Գրկեր էի . բայց մատներուս տակ մըսող՝  
Կը փշրբւէր ան ու կըլլար՝ փոշի՛ , հո՛դ :

Մըռայլ խաւարն սենեակս քողեր էր արդէն ,  
Եւ առտրւան ոսկի , զինջ շող մ'երկինքէն .  
Երազներուս վերջին ստուերն մեծաբօղ ,  
Կը հալածէր քնատ նակտէս անքող :

\* \* \*


Քամի մը զով , պատռւհաճիս բաց վեղկէն՝  
Գիշերին մէջ սահելով ներս բռնօրէն ,  
Նրբին փոշի մըն է ցաներ խօլագին  
Գորգերուն վրայ , զարդերուն վրայ սենեակին :

Փոշի՛ խաղաղ , մշուշապատ , տրտմալո՛յս ,  
Արդեօֆ չե՞ս դուն չոր մարմինն իմ սիրուհւոյս ,  
Չոր փշրեցի՛ իբրեւ կմախնքն երազիս ,  
Փոշի՛ որ իմ սրտիս ալ վրայ կը չոքիս :

Փոշի՛ խոհուն , դո՛ւն անուրջիս դառնալի  
Պիրուհին ես , երջանկութիւնն որ ինծի՛  
Տիրութիւնը , վիշտն ու մահը ցոյց տուիր՝  
Շպարներուդ , ոսկիիդ տակ պատրալիր :

Երջանկութիւն , կեանքի պատրաճն ես , ցնդած ,  
Ես կը փնտոնեմ մեզ մահուան մէջ տրտմայած ,  
Երջանկութիւնն հողին մէջն է , կմախնք , չո՛ր ,  
Ու կեանքը սին , շղարշ պատաճն է անոր :

Երջանկութիւն , իրկըւան մը սիրուհին ,  
Դուն յոյսն էիր ինծի համար քանիկին ,  
Բայց երբ անմիտ՝ քու վառ շորերդ պատռեցի .  
Յոյսը թուալ , իսկ ես մեռնիլ բաղձացի :



Հին, ԲԱՐԻ ԴԵՄՔԵՐԸ

Հին, բարի դէմքերն ինչո՞ւ կը սիրուին,  
 Պատկեր մեր սէրին՝ անոնք երբ կ'անցնին,  
 Այցելու եկող կնոջ մը սէս շող,  
 Կ'թողուն յիշատակ բոյրն իրենց լնկող:  
 Հին, բարի դէմքերն ինչո՞ւ կը բաժնուին.  
 Օր մը խայտալիր պէնանքն մեր կեանքին,  
 Յանկարծ կըտրւած՝ կարծես՝ չո՛ր սստե՛ր,  
 Ո՞վ գիտէ ինչո՞ւ կը նետուին անտէր:  
 Դէմքերն բարի, հին, ինչո՞ւ չի յիշուին.  
 Անոնց յիշատակն դիրոն է խաղողին,  
 Որուն վրայ առլի գերթ հինցած գինի՝  
 Հըրացայտ շոնչով հողին կը հանդչի:  
 Մի՛ խառնէք այդ գիրան ձեռքելով բրտին,  
 Յուշքերու վըրայ հանդչող ձեր հողին,  
 Թող գինին ըլլայ զտուած, կարմիր, հին,  
 Ու ջինջ ալքերուն մէջ պահէ միշտ վառ  
 Պատկերներն բարի դէմքերուն պայծառ:



ՄԱՆՈՒԿԻԼ

Եւ թառելով ծունկիս վրայ գերթ թուչնիկ,  
 Հսաւ՝ «Հայրիկ, պատմութիւն մը սիրունիկ  
 Պատմէ ինծի պապուս պէս.—  
 Ու փոխարէն՝ սա՛ թուշէս՝  
 Ես ալ կուտամ վարդ պաշիկ:  
 Ես պատմեցի. ահ՝ ամփափուած գողիս մէջ,  
 Խարտեաչ գլուխն իր հանդչեցուց կուզքքիս վրայ.  
 Եւ աչքելովն բոց անշէջ՝  
 Բոնեց լոյս թելն այն ոսկեայ  
 Իմ սէրերուս պատմութեան:  
 —Ճոխ յոյսերուս արշալոյսին թարմ ընծան,  
 Օր մը եկար, ըսի մանկան, հեռուէն.  
 Քու զամբիւզդ ոսկի, բաց,  
 Զով արշալոյսն էր հիւսած  
 Իր լուսաւոր յարդերէն :  
 Աչքերդ ծաւի, ցօղոս աչքերդ քու այդ օր,  
 Կը հանդչէին գեռ կէս արթուն ու քընատ,  
 Ու շող մը նուրբ լուսամատն,  
 Կը նախշէր գէմքըդ աղուոր:  
 Սարեակի նման ոստոստելով շողն առտւան,  
 Գնաց պարտէզ նուռ մը ճեղքել հըրավառ,  
 Եւ արցունքովն վառ նոան,  
 Շըթունքներէդ լուաց յար,  
 Շոնչըդ փրփրոս որ կեռար:

Ու այդ օրէն՝ բոսոր շրթունքդ վարդապոյն,  
Պաշիներուդ տուին միրգի թարմութիւն.  
Այլ չողն ոսկի արեւին  
Արուեստէն դոհ, խօ՛լ, սահուն,  
Գնաց հեռուն, ցնծադին:

Վեհ լեռներու, ովկիաններու վըրայէն,  
Շողը թըռաւ դէ՛պ Արեւելք ու Սէյլան,  
Ու մտնելով լուսեղէն  
Իր պալատներն աննըման՝  
Շափիւղայէ, յակընդեայ,

Կաթիւ մ'յակինդ, ցոլք մը զըմրուխտ ճաճանչեայ  
Իրար խառնեց՝ ոսկեղէն բոց գոշխով,  
Եւ բիրերուդ հըրաչեայ,  
Աստղերուն չուրջն՝ հըմայքով՝  
Շինեց աչուի համակ ծով:

Եւ այդ օրէն չող աչուըներդ խիստ աղու,  
Արեւելքի գոհարներուն վառքն առին.  
Այլ չողն յոդնած, չնորհատու  
Փըրուելով սարսուազին՝  
Գլխուդ վըրայ ցանուեցաւ  
Գանգոյրներով լուսախաւ:

## ՀՈՂԻՆ ԴԱՐՁԻ՛Ր

Հո՛ղ պարարտ, հո՛ղ գիրդ, մա՛յր՝ որու կուրծքին,  
Անքան զաւակներդ ինկան զոհ, անդին.  
Հո՛ղ օրհնեալ, հո՛ղ սուրբ՝ զոր աղէտքն, աւաղ  
Կրկին անիծեց չունչովն հըրատաղ.  
Արդեօք քու ծոցիդ վրայ չէ՛ր՝ որ՝ պարարտ,  
Զերթ կազմոս արի Վահանին անաղարտ,  
Վիշապներու բիւր ատամներն ցանած,  
Կանդնեց հերոսներդ, կոռողներդ պոռթկաց:  
Հո՛ղ, գուն անմահ ես, ու քեզ կը պաշտեմ  
Զերթ հալրենիքին պատկերն դեղադէն:  
Ի՞նչ հոդ թէ մրրիկն կը խամրէ վատթար  
Բացուող ծաղիկներն դաշտերուդ գալար.  
Չէ՛ր որ գողիդ մէջ թաղեր են աղու,—  
Զոհուողներն անմեղ, սիրողներն հուժկու,  
Մերմերն այս տոհմին, սէրերն ալ Հայու:  
Ի՞նչ հոդ թէ հոսանքն այս կեանքին նըսեմ,  
Կը վազէ տըխուր, երբեմն ալ վըսեմ,  
Անոր մէջ ծորեր են իրենց արիւնն  
Աղօթող կիներն, հերոսներն Հայուն:  
Ոչի՞նչ, ոչ մէկ ուժ երբէք պիտ, կրնալ,  
Մեր կեանքերն բաժնել այս հողէն Հայկալ:  
Հողն որ մեզ կերտած է նուրբ տարրերէն,  
Հողն՝ որու ձոխ գողն խաղաղ կը նիրհեն  
Մեր նախնիքներուն լոյսերն անթառամ.  
Հալրենիքն աղատ՝ որուն չէն, փարթամ  
Գեղեցկութեանց մէջ ես պահել կ'ըդամ,  
Զանաղանութիւնն սէրերուս դաղտնի.  
Միթէ ասոնց մէջ չէ՛ր որ կը կանդնի՝

Պատկերն այս ցեղին, ոգին հայրենի .  
 Հող՝ որու կուրծքէն բաժնուին ահաւոր,  
 Արգեօք զրկուիլ չ<sup>ջ</sup><sup>ջ</sup> կեանքէն, սէրէն նոր,  
 Ցեղին հանձարէն, շնորհներէն լաւէտ,  
 Գեղեցկութենէն անոր ծաղկաւէտ:  
 Մէր անցեալն անմահ հողին մէջ երկրին  
 Թաղուած է ցուշիկ ու հիւթն այս կեանքին  
 Նեկտարն է վճիռ զոր սիրտը տոհմին  
 Հողին մէջ պարպեր, կը նիրհէ ազատ:  
 Ո՞վ Հաչ, այդ հողին դարձի՛ր հարազատ.  
 Զրկանքներդ անլուր, պաշքարներդ անբազդ  
 Թափէ՛ անոր գիրկն, այդ հողն՝ է դըրախտ.  
 Ու երբ կը զոհուիս՝ հաւատքով մ'անձախն,  
 Հո՛ղ է ան պարարտ, աշխարհ մը համայն,  
 Որ գթոս սրտով կը յաղթէ մահուան.  
 Կը խղգէ ցաւերն, վիշտերն հօծ, ախեղծ,  
 Ոխերն օճատիսլ, չարիքն մահաստեղծ:  
 Ո՞վ Հաչ, մի՛ դառնար հողին դարշանքով.  
 Դուն կեանքէն ծնար, այլ՝ ի՞նչ սև բաղդով  
 Լոկ մեռնող կեանքի շունչ առնիր ահով.  
 Դարձի՛ր դիրդ հողին, վերածնած անկէ  
 Այժմ կեանք անմահ սիրով ստեղծէ :



## Ճ ա կ ա տ ա գ ի ո

Թեւերն մեր կեանքին  
 Ի՞նչքան իոլ, յիմար,  
 Կերպով կը քաշուին .  
 Գողցես խելագար  
 Մատղաշ կիւսեր են  
 Զանոնք կը հիւսեն .  
 Եւ ոչթէ խոհեմ  
 Պարկաներ դժխեմ :

Մէկը՝ պարկայ ծեր՝  
 Լափող տարրերուն  
 Յաւերն վշասուն  
 Կը միսայ դարվեր .  
 Երկրորդն՝ պարկայ դուլ,  
 Մէրկատովն անդուլ  
 Պատրաստ է կտրել՝  
 Մէր կեանքին հէտ թելն :

Այլ երրորդ պարկան,  
 Կը հիւսէ ոստայնն  
 Մէր խեղճ կեանքերուն :  
 Ան է որ քնքուշ,  
 Սիրով մը անուշ,  
 Կերպուցնէ կեանքին  
 Թեւերն թանկապին :

Այլ աւա՛ղ, հիւսողն  
Այս բաղդի, անշող,  
Երբեմն սստայնի  
Հիւսելէն կ'յոգնի.  
Երբեմն ցընորած՝  
Զեռքովն տիսրամած,

Վատ թելերու տեղ՝  
Կը կարէ անդորր,  
Նրբին, գունազեղ  
Թելերն՝ այն աղուոր  
Կեանքերուն՝ որ մենք  
Կո՛ղանք ու կ'երգենք:

Ինչո՞ւ կը հիւսէր  
Եւ ինչո՞ւ կտրեց.  
Ոչ ի՞նքը դիտէր,  
Ոչ մենք, տիսմա՛ր մեծ:

Թելերն մեր կեանքին  
Ի՞նչքան քըմահած  
Կերպով կը քաշուին:  
Գողցես՝ խենթ, տըհած  
Մատղաշ կիւսե՛ր են  
Զանոնք կը հիւսեն,  
Եւ ոչ թէ անթոյը  
Բաղդն արի, այլ կոյք:

### ԳԵՂԵՑԿՈՒԹԻՒՆԸ

Ասկեծածանչ պալատներու զա՛րդ անդին,  
Ո՞վ Բախչէ, մեր իղձերուն թագուհին,  
Ահա կ'անցնիս, աղաւնենման, անդիտակ  
Աղուոր բաղդիդ սահմաններէն մարդկային.  
Եւ խուսափող յոյսի մը սէս միայնակ  
Կ'ապաստանիս հոն՝ ուր անդուլ կը սահին,  
Պլէտներու միտքերն մոլոր, ցընորած,—  
Ծաղկաստաններն քերթողութեան ցօղամած:

Դուն կը փախչիս. աստուածի մը ձայնն անուշ  
Կը գիւթէ քեզ մեղեդիի պէս քնքուշ.  
Պուրակ, դալար, առուակները կարկաչուն,  
Երգող ցորենն, հովերն յուշիկ ու արթուն՝  
Լոյս երազներդ օրօրելով՝ զեփիւոյն  
Թեւերուն վրայ՝ զքեզ առած՝ կը տանին՝  
Ալքովները ճոխ սէրերուն երկնային:

Աւա՛ղ, գուն ալ անմահութեան գիրկն փափուկ՝  
Կը տառապիս սակայն անքուն եւ, իզո՞ւր,  
Եղէդ սրինգներն աղատ Փանին խուսափուկ.  
Խոլ նայեազներն առուակներու քաղցրալուր,  
Ու լեռնածին Արեթուսան՝ ակ մը զով՝  
Որ լոյս մազերն հովին տուած, խենթ հեւքով  
Կը դըգըչէ մարդերուն մէջ ոսկեծիր,  
Ի զո՞ւր թուփերն դաղտնամբունջ, սիրալիր

Ապողոնեան սիրերգի պէս կօրօրեն  
Հարսանեկան թեթեւ նիրհերդ խնկեղէն :

Թէեւ քու սէրդ Աստուած մըն էր լուսեղէն ,  
Անոր սիրոյն եւ քու միջեւ , անօրէն  
Նախանձը կար հետաքրքիր , անբաժան .  
Ու դուն անրիծ գեղեցկութիւն ինքնիշխան՝  
Բանաստեղծին երադէն զատ մաքրափայլ ,  
Զէիր կընար հեշտ հանդրւան մ'ունենալ :

Մարդոց համար ծնած չէիր դուն , անյոյս ,  
Եւ ինչպէս սէրն Աստուածային էր , ո'վ կոյս ,  
Գեղեցկութիւնն ալ Ողիմպեան ցօղաւէտ՝  
Նեկուարն ըմպած՝ անմահանար պիտ՝ յաւէտ :  
Գեղեցկութիւն , Արե՛ւ մըն ես դուն չողուն ,  
Իսկ մենք թիթեռ՝ ծաղկըներուդ վրայ բիւր ,  
Նուրբ երանդներդ կորոնենք յար , դոյնզդոյն .  
Գեղեցութիւն՝ իզո՞ւր պատկերդ դրախտաբոյր ,  
Մէնք կը փնտոենք երկրի վրայ թափառուն :

Գեղեցիկներն ի՞նչ են : ի՞նչ են աղուորներն  
Կատարեալին , ո'վ Բախէ , ցուքերն սին ,  
Ուրոնց մարդեկ բուռն արբշիուվ կը կառչին .  
Գեղեցիկներն քու պատկերիդ են չողերն .  
Հոգին անխելք թիթեռ մըն է , խե՞նթ՝ լոյսի ,  
Ու աղուորներն կայրեն անոր սիրոն ոսկի :

## ՖԻԼՅՈՒՄՆ ԵՒ ՊՈՍԻՍ (ՄԱՄԻԿՆ ՈՒ ՊԱՊՈՒԿԸ)

Փառասիրութեան սաւառնումներէն ,  
Շողշողուն յոյսի խոստումներէն սին ,  
Խուսափեցաք դուք իմաստունօրէն :  
Եւ ճոխութիւններն , փառքերն այս կեանքին՝  
Դուք չ'ըմբռչխնեցիք , Ֆիլէմո՞ն , Պօ՞սիս :

Չեր պարզուկ , աղու գոյութենէն նոր ,  
Ժուժկալ հաճոյքի վայելքէն աղուոր ,  
Երջանկութեան մը մեղրն անուշ , համով ,  
Քաղեցիք խելօք , արդա՛ր հաւատքով :

Մէկդ զօրաւոր կազնի հաստարմատ ,  
Իսկ միւսդ՝ ծաղկաւէտ թմբի խնկաբոյր ,  
Ֆիլէմո՞ն , Պօսի՞ն , դուք մեր յուսահատ  
Մէրերն չէ՞ք ճանչնար եւ ձեր սրտերուն  
Ներդաշնակ նուազն , ու ձեր կեանքերուն  
Հըզօր , հաստաբուն համերաշխութիւնն ,  
Ուժով մը կեանքուտ կը մդէք ամուր՝  
Բնութեան ծոցին մէջ լոիկ եւ մաքուր :

Ֆիլէմո՞ն , Պօ՞սիս , երկու ծերուկներ  
էիք անբաժան , խոնարհ , այլասէր ,  
Ու ձեր պարզ բաղդին , ձեր կամքին անհաս :

Աստուածներու ուժն ունեցաք ի սպաս .  
Այլ՝ համեստ կեանքի ու խաղաղ մահուան  
Մարդոց սահմանուած բարիքներէն զատ ,  
Արամազդներու վառքերն շողացայտ  
Դուք չի ժպրհեցաք ճաշակել անբան :

Շատեր՝ խե՞նթ ձեր տեղն , ինչքեր անսահման  
Խնդրէին պիտի եւ բազմած ոսկեայ ,  
Աղամանդակուու գահերու վրայ ,  
Բղձային պիտի խոնարհեցնել յոյժ՝  
Իրենց նմաններն՝ ըստութեամբ խուժդուժ :  
Այլ՝ դուք խմաստուն՝ ձեր պաշտածներուն  
Միայն ծառայել ուխտեցիք արթուն :

Իցի՛ւ թէ մենք ալ ձեզ նման յօժար  
Սուրբ ծառայութեանց գտնուէինք յար .  
Իցի՛ւ թէ մեր ալ՝ կեանքի հէտ սեղանն  
Պոսիս մը քնքուշ , փութկոտ , մեղուաջան ,  
Իր մեղմ սէրերուն խոտերովն ինկոտ  
Սրբէր անդադար ձեռքերովն անձկոտ :

Իցի՛ւ թէ մեր ալ կեանքի խեղճ հիւղակն  
Պարտականութեանց չնորհներովն առլի՝  
Մարմարեայ տաճար մը լուայ ըղձալի :  
Ու ես Ֆիլէմոն Ալեհեր , սիրակն ,  
Եւ իմ սէրս Պոսիս՝ յուշիկ ուխտանուէր ,  
Խմաստութեան այդ տաճարին քուրմերն ,

Սիրոյ նուիրենք մեր զոհերն պարարտ :  
Եւ արձակելով ոստեր նոր՝ հանդարտ՝  
Ես կազնի հուժկու ; ան՝ թմբի համով ,  
Ան խունկ տայ կեանքին , իսկ ես՝ շուք մը զով :



## Ա Յ Ր Մ Ի Ր Ս Ե Ր Ո Ւ Կ Ն Դ Ը

Ինչպէս հողին որովայնը անշուր ժայռին հետ  
կը յղանայ գոհարը , այնպէս ալ կնոջ արգանդը  
կը ծնի՛ հասարակ մարդոց հետ՝ հերոսներ : Թալ-  
մուտ կը վկայէ՛ որ , Եւա , Երկրորդ կինն էր Ա-  
դամի . Եւ թէ՝ անոր առաջին կինն էր Լիլիք :  
Բանաստեղծին Երեւակայութիւնը՝ որուն ուժ կու-  
տան , այժմ , նախադամին մարդերու մասին ե-  
ղած գիտական ֆնուրիները , կը սիրէ , հասա-  
րակ կեանքին մէջ յայտնուած դիւցազները կա-  
պել այս Լիլիքէն սերող մարդկութեան մը հետ ,  
որ կարմիր հողէ շինուած , անման էր Երկիրը  
կը գրաւէր Ադամէն առաջ : Այս կարմիր սերուն-  
դէն էին Հերգիւլն ու Վահագն Վիշապաքաղը ,  
ինչպէս նաեւ Անահիտն ու Աստիկը , որոնց գե-  
ինչպէս նաեւ Արապուրուած՝ Եհովան , աշխարհ

իշաւ եւ ուզից, իր կարգին ստեղծել կինը, Եւան։  
Բայց՝ որովհետեւ սպառած էր անմահ մարդերու  
ծնունդ տուող կարմիր հողը, Եհովան, Ադամն  
ստեղծեց սեւ հողէ եւ չի կրնալով անոր հրապու-  
րել անմահ կիներէն մէկը՝ Լիլիք, ստիպուեցաւ  
անկատար ստեղծել կինը։ Ահա այս է պատմու-  
թինը մեր ոտանաւորին։

Ո՞վ Եւա պատրող, մայր, կին, սիրուհի  
Որ նեկտարն անմահ գիտութեան կեանքի  
Սիրոյ բաժակովն մատուցիր մեզի։  
Խ'նչքան անձկանօք քամեցինք ցմրուր  
Քու գեղդ յիշեցնող բոց սէրն անձնատուր։  
Գոզցես հօրեայ արքան թիւլէի  
Արցունք ծծեցինք բաժակէդ առլի,  
Եւ մեր վիշտերուն ալեաց մէջ խառնակ,  
Ահա կը թաղենք փաղփուն յիշատակդ։  
Այլ դուն ո՞վ լէյլա, սէ՛ր բեղուն, փափուկ,  
Որ լիլիթներու դուստր ես խուսափուկ,  
Կին սիրող, աննիւթ կամ յաւերժահարս  
Հրեշտակ լուսաթեւ, հոգի գեղավարս։  
Որ մեր փուճ կեանքէն կ'անցնիս սրաթեւ  
Պահ մ' անոր ափերն հանգչելով թեթեւ,  
Կին որու ժպիսներն հոգլոյ մէջ բացին  
Յասմիկներ պազնող յոյսի ծիրկաթինն, —  
Ինչո՞ւ այս խենթ օրն, հրճուանքով մ' անմեղ

Հառաջներուս խունկ թերթիկներն ըլքեղ  
Դեղձան մազերուդ բոլորն ոսկեծիր  
Յանելով անվոյթ, անուշ երգեցիր։  
Լէյլա՛ սիրալի, դուն որ հեշտանքն ես  
Դուն որու դեղին շափիւղայ բեհեզն  
Զերթ արեւելքի արշալոյսն ոսկի  
Բացուած բոլորչի, իր չուրջն կը հոսի  
Զմուռն ու հալուէն, համեմներն անուշ,  
Դուն՝ որ գիրդ մարմինդ կը յանձնես քնքուշ  
Անզուսպ հեշտանքի լզձանքով մ' արբշիր  
Մեր խօլ սէրերու գգուանքին ընտիր, —  
Ո՞վ ես դուն, հուրի՞՝, դժխո՞յ, դիցուչի՞՝,  
Որ պահուան մ'անցնող սիրողիդ գերի  
Սէր մ'աւելի՞ նոր կուտաս երկնային,  
Քան բոլոր սէրերն աղջկանցն Եւային։  
Եւ ի՞նչ է մեծ վարձքն նուիրմանդ զոհւող  
Պուտ մը երախտի՞ք, կաթիլ մ' արտասո՞ւք,  
Զոր կըրակն իղձի ակին մէջ անշուք,  
Արագ կը չորցնէ հըրայրքով մ' այրող։  
Լէյլա՛ սիրուհի, ըսէ՛, ի՞նչ ես դուն  
Կամ ուրկի՞ կուզան հմայքներդ հասուն։

\* \* \*

Ու լէյլան թովիչ պատմեց իր հէքեաթն,  
Պատմութեան մէջ այդ, անմեղ, խանգակաթ,  
Կեանքի արշալոյսն կը ցոլար յստակ։  
Իր ձայնն օրօր մ'էր դաշն ու միօրինակ,

Որ ջուրերուն նման Լէթին մեղմ ու խոր՝  
Յիշատակներու մարդերէն աղուոր  
Կ'անցնէր կարկաչուն, կը հոսէր անդորր։  
Անոր հին հէքեամն պատկերն էր հայլի,  
Որուն մէջ պայծառ շողով կը փայլի՝  
Հանճարն կախարդիչ մեծ վհուկներուն,—  
Առասպել մոոցուած կամ թալմուտ սահուն,—  
Որոնց շունչն ինկոտ կը թրթոայ մաքուր  
Իրենց մարմնին մէջ մազաղաթաթոյր՝  
Ինչպէս ցող մը թարմ ինկած անխնայ՝  
Չոր տերեւներու ծոցը կը հեւայ։



## ԴՐԱԽՏ ԿՈՐՈՒՄԵԱԼ

Կեանքը հուր էր, կեանքը լոյս էր բորբոքուն  
Եւ մարդն ազնիւ, մարդ-Աստուածը նոր արթուն  
Կըրակէն ուժ, լոյսէն հոգի առած վառ՝  
Կ'ողեւորէր աշխարհն համակ, նիւթն ճարտար։  
Աստուած—մարդոց վսեմ դարն էր այն հեշտին,  
Ու Եհովան պալատին մէջ երկնային,  
Դիւթուած աչքերն քամահրալիր կը դարձնէր՝  
Դղեակներէն, հրեշտակներէն անձնըւէր։  
— Կինը, ըսաւ, միակ դրախտն է Աստուածոց,  
Էակն՝ որու ճոխ սիրոյն քով շողաբոց,

Այս երկինքներն, վարդ, յակնդեայ թանկագին,  
Պալատներու զմբուխտ զմբէթն ու սակին,  
Սաթեայ կամարն այն երանգւած՝ թո՛ղ փլէլին։  
Հարկ է աշխարհ իջնել այլ եւս սիրաբոյր,  
Ու թող երկնից աւերներուն ծուխն տիսուր  
Այլող կուրծքիս սիրոյ հառաջն ըլլայ հուր։

\* \* \*

Հազիւ աղու խոստովանանքն այս սիրոյն  
Աստուածային սրտէն թուած ինկագոյն,  
Մեղեսիկէ հիմերն դրախտին վիմածին՝  
Անդունդին մէջ ահազնազդորդ սարսուացին։  
Անվախն դողաց գահին վըրայ աղամանդ,  
Եւ բաղձալով իր սիրոյ ողբն հոգեքանդ  
Գաղտնի պահէլ հրեշտակներէն անկատար,  
Ան որոտաց՝ խստացնելով սիրտն անկար։  
Հրամայելու իր ձայնն ահեղ վարժըւած՝  
Ա՛լ չէր. կարող դան երգել սէրն հիազգած,  
Գովասանքներն, շոայլ հաճոյքն ու մեղկ կեանքն,  
Անգործութեան մէջ իր հանճարն ծոյլ, անջանք,  
Այլասեռած էին, աւաղ', վատըւէր,  
Սէրն տառապանք, սէրն ստեղծել, զգա'լ էր,  
Ու իր հոգին առոյդ ճիգէ կը խորչէր։  
Նախանձ մը սեւ չարչրկելով խօլաբար  
Եհովային կը մաշէր սիրտն ըղձահար,

Ու սուր աչքերն զերթ սրածայր սուխններ ,  
Թափանցելով խորշերն երկրին մթաստուեր ,  
Կեանքի գաղտնիքն կը վնասոէին ամէն տեղ ,  
Կայծակելով լայն անդունդներն , մութն ահեղ :  
Փայլակներու տէրն մինչ այսպէս անվեհեր  
Արեւակնէ աշտարակէն կը նայէր ,  
Աղամանդեայ գմբէթներու պէս հուժկու՝  
Զիւնասպիտակ վեհ կատարներն լեռներու ,  
Կը շողային երկինքին դէմ լայնածիր .  
Դաշտերու թարմ գմբուխտին վրայ ծաղկալիր ,  
Վտակներու լոյս ժանեակներն փրփրայեղ ,  
Ծիածաններ կը քաշէին դունագեղ ,  
Մեծ ովկիաններն միապաղաղ ծվծըփուն՝  
Տիեզերքի աչքերն էին կապտագոյն ,  
Ու երկինքներն՝ խօլ պարիկներ՝ լոյս անշէջ ,  
Իրենց պատկերն կորոնէին անոնց մէջ :  
Բոսոր արեւն , զողցես Փէօպիւսն հնօրեայ ,  
Բեհեղ հազած , երկինքին վրայ շափիւզայ՝  
Ոսկի կամարն կուզար կապել Աստղիկի :  
Պորփիւր պարիսպն արքայութեան ծիրանի ,  
Վերջալոյսին բոսոր փառքէն շիկահեր ,  
Յակինդներու ժայռին վըրայ կը փշուէր :  
Ու Եհովան յառելով վար միշտ լոիկ ,  
Աղուոր կանանց մարմար ճակտին թափանցիկ ,  
Մեծ ապշանքով թանկաղին մարդն կը դիտէր ,

Վախն մարդուն մէջ չէր ստեղծած իր պատկերն .  
Ազատութեան մէջ ան անվախ կապրէր դեռ :  
\* \* \*

Էտկ նրբին տկարութեամրն անպաշտպան՝  
Նոր մարդն՝ իսոյանք ունէր իր մէջ կենսական ,  
Մէկ ոստումով անմահանալ արդ կ'ըղձար .  
Ու տէր երկրին՝ ուր կարմիր հողն վարդավառ ,  
Նոր դիւցազններ , նոր հերոսներ կը շաղւէր  
Անմահութեան պարարտ խմորովն սիրանւէր ,  
Գործելով նիւթն , տիրած ուժին ներդաշնակ ,  
Ան կատեղծէր չէն դըրախտներ ընդարձակ :  
Իր կեանքին մէջ սէրն գերի չէր օրէնքին ,  
Ու կինն աղատ , կին աննըւած , գեղածին ,  
Ծաղկէ ծաղիկ , թոշենով յար սէրէ սէր ,  
Պտղարերող մարդկութեան սերմն կը ցանէր .  
Կինն անարատ մարդուն տրուած ինչք մը չէ՛ր  
Ամուսնութեան ստրուկն , գերին անբաժան ,  
Վիշտերու մէջ խուլ կսկծի առարկան ,  
Կամ Մետուսի նայուայծքն որ սիրտն խանդակաթ  
Ցուրտ , չոր քարի կը փոխարկէ բարկածայթ :

\* \* \*

Միլտոն քերթող , որ հաւատքով մ'անբասիր  
Հրեշտակներու նախկին անկումն երգեցիր ,

Ո՞վ բանաստեղծ որու հանճարն մարդարէ  
 Ազատութեան պանծացուց սէրն , քեզմով չէ՞  
 Որ հիացած օր մը ճանչցանք՝ բռնաքանդ  
 Արուսեակի հոգին ազատ , անկաշկանդ :  
 Գիտցի՛ր՝ թէ փառքն Եհովային խնկաւէտ ,  
 Անմահներուն չի դիւթեց այն Զօրապետն :  
 Ազատութի՛ւնն էր անոր իդձն արդար , մեծ ,  
 Ու սէրն մարդուն՝ խօլ , բռւսն հոգին գրաւեց :  
 Գիտցի՛ր՝ երկնից զօրութիւնն չէ՛ր ահաւոր՝  
 Այլ սէրն՝ որ զայն անմահացնէր պիտի նոր :  
 Եթէ վրէժի , ահի , արեան տիսրամած  
 Ահեղ ափապարն զոր դարերով են ուզած  
 Մարդարէներն փողահարել իբր Աստուած ,  
 Բռնապետներն եթէ այսօր անօրէն  
 Սիրոյ փոխան հարուածել կը նախընտրեն .  
 Ու մարդկութիւնն ստրկութեան դառնադին՝  
 Գոռոզաբար անդոսնելով կը տանին ,  
 Ա՛հ , ա՛յն է որ հին Աստուածին սէդ տիփապարն  
 Իրենց հոգւոյն մէջ կը կրեն անպատկառ :

Ո՞վ Արուսեակ յեղափոխուող ուժ հսկայ ,  
 Տապալեցիր դուն բռնութիւնն , Սա՛տանայ ,  
 Ու հրեշտակներդ ապստամբած , մեծազօր  
 Գաղտագողի խուսափելով ամէն օր ,  
 Կը լըէին լայն երկինքներն ամպածոր .  
 Ու թռչելով Լէյլաներու գրկին մէջ ,  
 Կը ժպտէին սիրող խանդով մը անչէջ :

\* \* \*

Արդէն վաստ լուրն հրեշտակներուն սրտախոց ,  
 Խուլ ըղձանքով մը կը վառէր երկինքն հոծ .  
 Ու Եհովան ահաբեկած , հոգեհար ,  
 Լէզէոններն կորսնցնելէ կը վախնար .  
 Քմբոստութիւնն վաղուց , գոռուն կորոտար :  
 Մեծ Արքային ակնախտիդ շողն , ոսկին ,  
 Մեղեղիներն , խունկերն , քարերն թանկագին ,  
 Զէին զօրեր հոգիներու աչքն արթուն  
 Հըրապուրել՝ անուշ սէրէն կոյսերուն :  
 Իզո՛ւր , սրինդներն անմահութիւնն լիազօր  
 Ու նուագներն չքեղութիւնն , ուժն աղուոր  
 Աւելի՛ քաղցր , աւելի՛ հզօր կ'օրհնէին .  
 Իզո՛ւր Աստուածն որոտումին , կայծակին ,  
 Լուսամուտներն , երկնից ծերպերն օդաբեր ,  
 Մութ ամպերու մոռայլ ծուխովն կը փակէր .  
 Փայլակներէն աւելի՛ սուր էր նայուածքն  
 Անմեղներուն . կը թափանցէր երկրի ծածքն :

\* \* \*

— Ո՞վ իշխաններ , վեհ զօրութիւնք , լսեցէ՛ք ,  
 Պոռաց Եահվէն բարձրաբարբառ , սրտկեղէք , —  
 Գաղտնի կամք մը աշխարհն այն փոքր , հեռաւոր  
 Գեղատեսիլ նախշելով վառ ու աղուոր ,  
 Զով ջուրերու ալիքներուն մէջ փրփուր ,  
 Կեանք կը բաշխէ շոայլ մը խօլ , կոյր :

Նուրբ վրձինին տակ զարդարուն կը պարզեցին  
 Դալար մարդեր, լեռներ, պուրակ, ծով խորին,  
 Նմանութիւնն ու գեղ պատկերն այս դրախտին:  
 Բայց արդ անմիտն յանդզներ է ինքնօրէն՝  
 Մեր պատկերովն դրօշմել մարդիկ հողեղէն:  
 Իշխանք, ուժեր, ձեր շարքերէն աննըման  
 Դասալիքներ արդէն երկիր հեռացան՝  
 Նոր Աստուածին տալու պաշտանք երկնառաք.  
 Ստրուկ հոգի՛ք դիւթուած նորէն ներդաշնակ,  
 Տէր կը փոխեն, աւաղ, անոնք ապերախտ:  
 Եւ ի՞նչ հրապոյր կապտեց հոգիքն բարերազր  
 Աւաղ, սին գե՞ղն կնոջն աղու դիւրայաղթ:  
 Ի՞նչ կախարդող սիրոյ ծաղիկ դդլիչ  
 Զինջ ցողերուն արծաթ շղարշովն հըմայիչ,  
 Քող է ձգեր նայուածքնուն դէմ գինովցած,  
 Որ՝ կը հաւատան՝ թէ ուր չկայ փառազգեաց  
 Մեծ հովանին իշխանութեան մը հըզօր՝  
 Երջանկութիւն հոն կը գտնէ մարդն անդօր:  
 Յիմա՛ր, յիմա՛ր են էակներն հընաղանդ՝  
 Որ կիներու սրտին վստահ խոստմնաքանդ,  
 Իրենց կոչումն, իրենց տէրերն պահապան,  
 Իրենց հանճարն վեհ կուրանան դաւաճան:  
 Ո՞վ Հրեշտակներ, իշխանութիւնք, ուժե՛ր, սէդ  
 Անմահութիւնն այն փուձ կնոջ արդ տեսէք՝  
 Մրգենին պէս կընծայեմ ծաղկաթափ:  
 Թող ապրի՛ ան, գերթ ներշնչիչն արութեան,

Թող սիրէ՛ ան, այլ իր բոց սէրն յաւիտեան,  
 Ըլլայ զրկուած վտիտ վիշտէն դասնատապ.  
 Մեծ տառապանքն զինովութիւնն է կեանքին,  
 Վերցուցէ՛ք զայն՝ ինչպէս ողին զինիին,  
 Կեանքի արբշիոն, սիրոյ իմաստն չէ՛ք ձանչնար:  
 Այսպէս ձեր Տէրն պիտ վերցնէ՛ անծանօթ  
 Սիրոյ ձաշակն անոնց սրտէն մոռացկոտ,  
 Ու անկարող ծնելու կեանք, սիրելու,  
 Յաւերժական ձանձրոյթի մէջ ահարկու,  
 Խօլ հաճոյքի հրայքներուն մէջ անզգայ՝  
 Մահուան ըղձանքն անոնց սրտէն պիտ մխա՛յ:

\* \* \*

Փրփուրն առատ շրթուքներէն Հաստիչին  
 Կոհակներու պէս զայրացկոտ, ահազին  
 Կը թաւալէր զահին ստորոտն ջարդ փշուր,  
 Անոր գոռ ձայնն հազար մրրկի հոյլ մ'էր բուռն,  
 Որ հրեշտակաց ձերմակ, թեթեւ բաց թեւերն՝  
 Օդին կախուած զերթ շղարչներ՝ կը ծեծէր:  
 Վայրագ նախանձն աւելի՛ խօլ կը մրրկէր  
 Անմեղ սիրոյ չնորհներուն դէմ ներդաշնակ,  
 Քանի որ զայն ձաշակեր էր Արուսեակն:  
 Ու մեծ Աստուածն կիրքերուն մէջ զառն ու կոյր,  
 Ալեկոծուած կը մոռնար թէ հողաբոյր  
 Արարածներն ատակ չէին Աստուածոց  
 Թափանցել միտքն, դուշակել իղձն սիրախոց:

Աւա՛ղ, ինչո՞ւ այսքան զայրոյթ, այսքան հուր,  
Հանդէս մարդուն՝ զոր կանգոսնէը Տէրն հանուր.  
Աստուածն ահեղ տեսաւ սխալն ու սրտբաց  
Պատրանքներուն, յոյսին հեղնանքը կարդաց՝  
Հրեշտակներու նայուածքին մէջ ամօթիած:  
Առուակներուն պէս կարկաչող, մեղմ, յուշիկ,  
Զեփիւաներուն խնկոտ չունչովն թափանցիկ,  
Մեղրածորան իր շրթունքներն հոգեծին  
Սնմեղներուն մէջ խանդ ու յոյս բաշխեցին:  
— Ո՞վ պետութիւնք, Աթոռք, իշխանք հպատակ,  
Որքան արդար է մեր զայրոյթն անյատակ,  
Ողորմութիւնն փառաւորին է պսակն,  
Իշխանութեան մականն ոսկի՝ որով միշտ  
Սնմեղն կ'օրհնեի. կը պատժըւի ամբարիշտն:  
Տեսէ՞ք ահա, զերթ աղաւնի լուսածին  
Աշխարհ կիջնէ մեր գութն արդէն ճախրագին,  
Կերթայ դըրախտ՝ որ այս զահէն անսասան  
Կը տարածուի հեռուն մինչեւ Հայաստան:  
Գութն չունչ կըլլայ, ցոյ կըլլայ գութն չողաչուի՝  
Արձաթ թեւով մարդերուն վրայ կը հանգչի:  
Նախագամեան էակներուն այս հոկայ  
Անմահութեան բուռն խոյանքներն՝ անխընայ  
Պիտի պատժենք, ու հրեշտակաց փոխան վատ,  
Դրախտի հողէն պիտի կերտենք բազմաշխատ,  
Աղամ՝ այր վեհ, մահկանացու, հընազանդ,  
Եւա՝ որուն այս փուճ կիներն տընաքանդ

Երջանկութեանն պիտի ցանկան անդադար:  
Իշխանք, Աթոռք, զօրութիւններ զինավառ,  
Դո՛ւք պիտի՝ ըլլաք անոնց հրեշտակն պահապան.  
Զեզմով մարդիկ պիտի յարդեն զօրութիւնն՝  
Ու սերունդներ, մեծցած խոնարհ, վշտասուն,  
Կրաւորական կեանքին հլու, հեղ ծառան,  
Հրեշտակներու հաւասարներն պիտի՝ ըլլան:

\* \* \*

Լոեց անմահն. ու հրեշտակներն ամէն տեղ,  
Զերթ բիւրաւոր սիրամարգներ զունագեղ՝  
Լայն, բոլորակ տարածելով թեւերնին,  
Հպարտութեամբ ու հրճուանքով թրթուացին:  
Փետուրներու նշուլագեղ ճաճանչին  
Զմրուխտն, ոսկին, բաց շափիւղան, պերողակն,  
Նայուածքի պէս կը շողային Արեւակն.  
Ու թեւերու սարսուռներէն մեղմ, հեշտին,  
Նըուագ մ'անուշ սիւքերու պէս զովագին,  
Կ'սփոփէր սիրտն մըրկածուի Արարչին:  
Մինչդեռ երկինքն էր պարուրուած խունկովն թանձր  
Օրհնենքներու, զըմուռսներու, երդի քաղցր,  
Լոյս ամպի մը թեւերուն վրայ տարածուած  
Մարդն ստեղծել կիջնէր դըրախտ՝ մեծ Աստուածն:  
Այլ եղեմին մէջ ընտրեալ ան՝ իզուր  
Կորոնէր հողն վարդագունակ, կենսատուր:  
Զերթ արծիւ վեհ գաղաթն լերանց կը ճախրէր.

Տիեզերքին անհունութեան շուրջ աչքերն՝ —  
 Հաղարաւոր Արեւներու վառարան՝ —  
 Կը գծէին բոց բոլորակ մ' ոսկեման։  
 Անհունին մէջ հրդեհ մը կար վիթխարի։  
 Ահեղ զանդուածն աշխարհներուն բիւր, արի,  
 Կը թաւալէր հրեղէն գունտն ալեկոծ։  
 Մառախլապատ ծուխերու մէջ, թուխ ու հոծ։  
 Հսկայ աստղեր՝ այդ հրաբուխէն գալարուն,  
 Թնդանօթի բուռն որոտմամբը ժայթքուն,  
 Միջոցին մէջ կը մընային յանկարծ կախ։  
 Ու նորակազմ աշխարհներուն մէջ խաղաղ,  
 Հայլիացած էր դէմքն երկրին ցօղաշաղ՝  
 Մինչ գիշերին վրայ հանդարտ կը ցոլար՝  
 Եհովայի բիրերուն լոյսն զողահար։  
 Երանութեանց պատրահքին մէջ բիւրաւոր,  
 Երկինքներու սէդ պետութիւնն ահաւոր,  
 Ամրապնդել զրազած յար, ինքնիշխան  
 Աւա՛ղ, տարրերն կառավարել մոոցաւ Ան։  
 Զերթ միասկետ հպարտ, ահա յամբարար  
 Ըմբռատութեան ընդդէմ անօդ կը մնար։  
 Դարերն արագ նայուածքին տակ բարկածայթ,  
 Թաւալզլոր կարչաւէին դայթ ի դայթ։  
 Սէպ, վիմակազմ լեռներուն տակ բարձրարերձ,  
 Լայն ովկիաններն խորքերուն մէջ հողմազերծ,  
 Խոնարհ կեանքի նախնական սերմն թագուցած՝  
 Վիհերու մէջ կամբարուէին միգամած։

Սահուն ջուրի անհետացող հետքին վրայ՝  
 Կը զարդարուէր կեանքով պէս պէս հողն հսկայ.  
 Բարեցրջում փոխանցըւող կենսաբեր,  
 Գեղատեսիլ արարածներ կ'ստեղծէր։  
 Ոմանք ծաղիկ, ծառ յաղթարմատ, բոյս ազնիւ,  
 Ոմանք շարժուն էակ աղբող բազմաթիւ,  
 Կը կազմէին մէկին տիպար անփոփոխ։  
 Ոմանք մեծդղի, ահազնաշունչ, անկարող  
 Վերապրումի՝ յար կանցնէին կենսազիրկ։  
 Այլ մարդն նրին, եղէց ճկուն, մարմին գիրգ,  
 Հզօր ոստմամբ անասնական խիտ սպատարն  
 Կը տապալէր. յեղափոխւող իր հանձարն  
 Մէկ խոյանքով իր գոյութիւնն ու աշխարհն,  
 Ուկի թելովն՝ իր մտածման լուսաբեր՝  
 Տիեզերքին մէջ անսահման կը չափէր։

\* \* \*

Թէ երկինքներն խոյանար զերթ գիսաւոր,  
 Մոլորակներն խուզարկել բիւր լուսաւոր,  
 Թէ ովկիաններն թափանցէր իրը ճառագայթ,  
 Կամ զերթ փայլակ երկրի ջերմ կուրծն կենսախայտ,  
 Միտուէր Աստուածն. կարմիր այն հողն վարդագեղ,  
 Աղլող կեանքի փոխարկուած էր ամէն տեղ։  
 Հզօր հաստիչն օրէնքներուն բընական  
 Կընա՞ր ընթացքն ըննաբարել, անսասան։  
 Պայծառ աչքերն անյոյս, անշող մթնեցան,  
 Նայուածքին տակ կը տարածուէր դրախտն ի վար

Հողն սեւաթոյր, հող մահաստուէր, անշա'հ տարր,  
 Որով աւազ, պիտի հաստէր քամահրոս,  
 Մարդն ցաւատանջ, այր ստորին, նախանձոս,  
 Կին, կողակից, փուճ, պչասէր, անհնազանդ:  
 Ա՛հ, ի՞նչպէս սէրն, ոսկի երազն մանաւանդ,  
 Կը փըշըլսէր, կիյնա՛ր դղեակն հիմնաքանդ:  
 Հաստին սարսոաց. իսկ լոյս Հոգին օդեղին  
 Անոր արցունքն նշմարելով բարձունքէն՝  
 Արծաթ թեւերն լայն տարածած սրարշաւ  
 Ամպրոսարոյր գէսերուն վրայ հանգչեցաւ:  
 Վեհ հաստիչին հանձարն՝ փակւած պատուտակ,  
 Բացաւ իր սիրան անոր շողին հպման տակ:  
 Մոգական խօսքն, սիրոյ լեզուն փառազգեաց,  
 Իր թալկահար ըթունքներուն վրայ թրթուաց,  
 Գոգցես՝ Աստուածն, մարդոց կարմիր սերունդին  
 Սիրով հաշուուիլ կըղձար հիմա անձկագին:  
 Կուրծքն ալեկոծ յոյզերու վրայ յամբարար  
 Զերթ առագաստ մութ, կայմազուրի, կը հեւար:  
 Յիշեց երկինքն, յիշեց խոստումն անպատիր  
 Մարդագործման. ու սրտին մէջ դառնալիր՝  
 Փթթող սէրին յաղթեց զայրոյթն գարշաթոյր.  
 Եւ սէդ հաստին այն միապետ, անհամբոյր,  
 Իշխանութեան օրէնքներուն, դրօշմին տակ,  
 Մարդը տղէտ, կինն՝ ստեղծեց հպատակ:

Դ.

Մինչդեռ Անմահն իշխանութեամբն ներշնչւած  
 Ամոլներուն այս նորաստեղծ, ամօթիած  
 Կը պատուիրէր կարմիր սերունդն անգոսնել,  
 Անոնք համբուն երկրի երեսն անարգել,  
 Դիւցազնական հանձարով մը անարատ  
 Կը հիմնէին ազգեր արի ու ազատ:  
 Ոմանք Դիսս ամպրոպային ձիթապսակ,  
 Երսս սիրուն եւ Ապողոն մելանուագ,  
 Արուեստն ու սէրն կաւանդէին աշխարհին:  
 Դիցուհիեր գժխոյ նման, խօ՛լ հեշտին,  
 Աստղիկ արրշիո, Անահիտ մայր, մեղմ Լիլիթ  
 Պերճ հերոսներ կերկնէին քաջ, գեղափթիթ:  
 Համակ բնութիւնն կը հոչակէր հիասքանչ  
 Գեղեցկութիւնն անոնց, փառքին շողն ճաճանչ:  
 Մեծ տիեզերքն դրոշմուած անոնց հանձարով  
 Իրենց պատկերն կը ցոլացնէր հոգեթով:  
 Կարմիր սերունդն կը գրաւէր լայնատարը  
 Կապոյտ ծովերն, պարարտ հողերն, լոյս աշխարհն,  
 Կարմիր սերունդն հմայքներովն քաղցրանւագ  
 Կը պաշարէր դրախտն Աղամայ ամրափակ:

\* \* \*

Օր մը խաղաղ, իրկուն մը տաք, խնկեղէն,  
 Մինչ յոդնարեկ մշակական վաստակէն,  
 Մաղարթներու տակ հովասուն մթնշաղ

Կը հանգչէին նախածնողներն մտազրադ,  
 Թովիչ նուազն դիցազնի մը սիրահար  
 Աղու հերքով թրթուաց, հնչուն, նրալար:  
 Ազառութեան երանութիւնն ան կերպէր,  
 Եւ հրայրքներուն մէջ բոց սէրին անձնէր,  
 Անմահութեան թագուն գաղանիքն կը յայտնէր:  
 Ովկիաններու յոյզն ալեծուի, արտմահեծ,  
 Վաեմ փառքերն ձիւնոտ լերանց մեծամեծ,  
 Սիւքերն սարին, կարկաչն առուին քաղցրալուր,  
 Պուրակներու երդն ու խորհուրդն մեղմ, մաքուր,  
 Խնկոտ, սահուն կը հոսէին քընարէն:  
 Ու կեանքն անկախ, անհոդ, աբրշիո, լուսեղէն —  
 Դալարներէն, թփուտներէն ցօղասուն  
 Կանցնէր արագ, յաւէրժական, անկայուն:  
 Ա՛յնքան դիւթիչ էր մեղեղին թրթուացող  
 Որ թռչուններն կը լոէին ջինջ ճռուողն.  
 Անձուններէն, թաւուտներէն վոհմակներ  
 Լոիկ քայլով կը դիմէին նուազին:  
 — Հոգինե՛րն են, կը մտածէր Աղամն հին  
 Քնքուշ Եւան՝ անուրջներու սիրուհին  
 Նուրբ նուազի շեշտերուն մէջ՝ անհամբեր  
 Յուզուած սրտին տրոփիւններն կը համրէր:  
 Աստուածն հաստիչ ճանչցեր էին անոնք վազ,  
 Այլ հոգինին որ անոր շունչն էր խաղաղ,  
 Զէին ճանչցած գեռ ամոլներն այն, աւաղ:  
 Սէրն իրենց մէջ մանկական էր, տիրընծայ,

Նուազն անուշ արթնցուցած զայն ահա,  
 Հասուն, խորունկ, յոյզերու մէջ չերմայորդ,  
 Կը միացնէր իրենց սրտերն սիրակցորդ:  
 Ուժ մը հըզօր միութեան մէջ այդ վըսեմ,  
 Կըզգային այժմ՝ տղիտութեան, վախին դէմ,  
 Ու սիրելով կը յաղթէին բռնութեան:  
 Սէրն որ անչուք, խոնարհ խունկի մը հման,  
 Սրտին ալքերն նետեր էին անկասկած,  
 Զերթ հըլաբուխ, անզուսպ, երդէն բռնկած,  
 Կը պոռթկար հուր, կը միար ծուխ բոցահեր,  
 Իր մոխրին տակ յոյզի կացեր կը թազցնէր:  
 Զօրութիւններ կը կանցնէին անոնց խորն,  
 Ու կիկլոպեան բազուկնելով ահաւոր,  
 Կը տանէին չերմ էութիւնն անոնց՝ վե՛ր  
 Գերընական, աւելի՛ բարձր սահմաններ:  
 Երազային յափշտակութեան մէջ երդին  
 Սիրտն կը մոռնար անցեալն. հոգին շողածին  
 Կաննիթանար, սաւառնելով, լուծուելով:  
 Ու վար նետած մարմին պատեանն անվրդով,  
 Ան կըլլար գութ, սէրը վիշտին պըսակուած,  
 Կըլլար արցունք, կը ցողէր կեանքն նոր ծընած,

\* \* \*

Մթնշաղին, վաստակաբեկ, միայնակ,  
 Այէն իրկուն կը հանգչէին լուսնին տակ.  
 Նուազածուն հոն էր, անկիւն մը թազնւած.  
 Մեղեղիով իրենց հոգին երկիւղած,

Կորօրուէր յար ջինջ գիշերներն երազկոտ :  
 Երբ միասին այլեւս խոհուն ու անձկոտ ,  
 Իրարու խորն կը յառէին անոնք լուս ,  
 Մելամաղձոս թափիծն դազտնի , հոգն անլուր ,  
 Առանձնութեան մէջ կը զրաւէր անոնց սիրան :  
 Երաժշտութիւնն միանդամայն դաշն ու բիրա՝  
 Տառապանքն էր ու խենթ հրճուանքն հոգիին ,  
 Երանութեան , վայելքներու հեշտ ուահին .  
 Եւ նազանքին մէջ դաշնաւոր քընարին  
 Խուր վասնողի մ'սպասնալիքն կ'զգային :  
 Այդ մարդկային ընութեան մէջ հոգահար ,  
 Առանց ցաւի դոգես հաճոյք պիտ' չըլլար .  
 Թարմ միրդին մէջ որդն էր կածող որ կիյնար :

\* \* \*

Տեսաւ հաստիչն արփիական անոնց խոռվքն ,  
 Ու դժկամակ ընդունելու խնկող գովքն ,  
 Երկինք դարձած՝ մարդն հաստելուն անկատար ,  
 Զայրադրդիո հառաչելով զղջաց դառն :  
 — Աւա՛ղ , ըսաւ , այսպէ՞ս իշխանդ անթառամ ,  
 Ամենազօր , ամենատես , տէ՛ր փարթամ ,  
 Այսպէ՞ս հանճարդ , սկիզբ , վախճան ու անհուն ,  
 Պիտի յայտնուէր մարդովն վտիտ , ազազուն՝  
 Ուր շաղւըւած չարն ու բարին անխափան ,  
 Հէտ մարդն անկամ պիտի գարճնեն յաւիտեան :  
 Այդ կեանքին մէջ մութին ուժերն հակոտնեայ՝  
 Մարդն իր հոգւոյն , իր աշխարհին դէմ հսկայ՝

Պիտի կանգնեն , անհամերաշխ ու անյագ :  
 Ատելութեան հետ պիտ' քալէ սէրն վայրագ .  
 Ու տառապող մարդկութիւններն սարսուալէն  
 երկինք յառած պիտի հաշիւ պահանջեն :  
 — Ո՞վ աէ՛ր , ինչո՞ւ այսքան չարիք վշտահաս  
 Անուշ , խոնարհ կեանքերու վրայ կը տեղաս .  
 Միթէ՞ քու սէրդ , պատկերդ աղու շողաչուի  
 Աղէտքներո՞վ յաւէտ մէր մէջ պիտ' յայտնուի :  
 Միթէ անմեղ հոգինե՞րն են որ անզէն ,  
 Քու Յորային տառապանքներդ պիտ , կրեն ,  
 Ու անպատիժ բանութեան դէմ անիրաւ  
 Խոստումներուդ պիտի լսեն պատրա՞նքն ցաւ :  
 Երջանկութիւն սոտելու գուն կարող  
 Ո՞վ աէր , ինչո՞ւ հաստեցիր վիշտն , ահն ու դողն :  
 Թէ՝ մարդն ազատ էր , անկախ տէրն իր կամքին ,  
 Ինչո՞ւ արդեօք կաչկանդեցիր զայն ուժգին  
 Օրէնքներու , զօրութեանց մէջ որ խուր են .  
 Ճակատագիրն կոյր բռնութեամբ կը վարեն :  
 Մինչեւ դժգոհ՝ մարդն ուրացաւ իր Աստուածն  
 Արիւնարբու՝ մոռցաւ հաճոյքն սիրասլաց :

\* \* \*

Մինչդեռ հաստիչն կողբար այսպէս ձեռակերտն ,  
 Գոհար աչքերն կորոնէին ամոլքն սերտ :  
 Նարինջներու մրգաստանին մէկ անկիւնն ,  
 Համեմներու՝ անոնք բոյրովն ծփծրփուն ,  
 Կ'անրջէին նուագներու օրօրովն :

Դըրախտներու սրնդահա՛ր հոգեթով՝,  
 Լոյս Սըրուսեակն հովիւ եղած գեղանի՝  
 Տիեզերքի հրաշալիքներն հոլանի  
 Անոնց արթուն նայուածքին դէմ կը պարզէր :  
 — Զեր հաստիչն անհունօրէն բարձր ու վե՛ր  
 Արարչութիւն մ'ամէնուրէք կայ՝ կ'ըսէր .  
 Անոր մեծ ուժն հարկ է ձեր մէջ միշտ փնտուէ :  
 Աստուածներուն հետ հաշտուած , անարդել՝  
 Սիրով , այլ ոչ ատելագին , սրտկեղէք ,  
 Զեր բընազդին թերութիւններն պիտ' ուղղէք :  
 Ով մարդ անփորձ , կին գեղանի ու ճարտար ,  
 Դուք տէրերն էք այս աշխարհին լայնատարք ,  
 Այլ ձեր հանճարն թափանցելով ալքերն խոր  
 Գաղտնիքներու , մեծ գիտութեանց նորանոր ,  
 Գեղեցկութեանց գծելով ծիրն անզըրաւ ,  
 Այլ ձեր կորովն՝ բարեցրչող , սրարչաւ  
 Մարդկութիւններն վարելով յար անսայթաք ,  
 Յեղաշրջմանց , ազատ կեանքի գեղունակ ,  
 Աւա՛ղ , սրտէն պիտ' չի կրնան մարդկային ,  
 Խել նախանձն , ատելութիւնն , վախն մթին :  
 Կրնա՞յ հանճարն իշխանութիւն ունենալ՝  
 Բնազդական ուժերուն վրայ գաղտնածալ :  
 Ի՞նչ արցունքներ պիտի ցողեն ծաղկափունջ  
 Թարմ ածուներն ձեր սէրերուն հոգեշունչ .  
 Ի՞նչ տատասկներ անհամերաշխ ձեր բնութիւնն  
 Պիտի ցանէ վաստակներուն մէջ հասուն .

Այլ պտուղներն ձեր հարսնիքին անարատ  
 Շո՛ղ պիտ' առնեն հերոսներէն , թո՛յր առատ .  
 Եւ գերթ վիւնիկն առասպելին լուսեղէն  
 Աճիւնածին՝ կեանք պիտ' առնէք ձեր մահէն :  
 Կարմիր սերունդն Աստուածներուն ինքնաստեղծ ,  
 Պիտի զոհուի ձեր վիրկութեան նոր , անեղծ ,  
 Անոր ծոցէն գիւցապուններ անձնըւէր ,  
 Զեղ ներչնչել պիտի փութան շատ դարեր .  
 Դաշտերուն մէջ , սարերէն վար աշխարհին ,  
 Հոսանքներուն հետ ձեր կեանքին խեղճ , մթին ,  
 Հերոսներու ժպտուն հոգւոյն ակերն զուտ ,  
 Զըմբուխտ ջուրերն՝ պիտի խառնւին հոսանուտ :  
 Աղամ՝ այր քաղցր , Եւա փիրուն , մշկաբոյր ,  
 Եկէք հաշտուիլ սերունդին հետ վարդաթոյր .  
 Նըւազներու թովիչ վայելքն զգացէք .  
 Ազատութեան ճամբուն վըրայ հըրաշէկ՝  
 Զեր սէրին խունկն , արցունքին ցողն , արեան վարդն ,  
 Անմահութեան վառքին տուէ՛ք գեղազուարթ :

\* \* \*

Աղամն խոհուն այս խօսքերուն հանդէպ նոր ,  
 Կը վերյիշէր այն օրն ուր ձայն մ'երկնաւոր ,  
 Ոսկեմշուշ ամպի մը զողն թափնըւած՝  
 Նիրհող հողին ազատ կեանքի էր կոչած :  
 Հրա՞շք մէր ան , հաստիչն անտես՝ թէ անուրջ ,  
 Անոր ձայնին դեռ կը կառչէր աչալուրջ :  
 Եւան սարսուն՝ ահարեկիչ երազներն

Իբրեւ զեկոյց, ուշ աղդարար՝ կը յիշէր :  
 Բայց Արուսեակն այն խորիմաց, մելանւագ,  
 Զերթ ճառագայթն որ սահելով չողարձակ  
 Խորհրդաւոր պուրակներու խորն անձայն,  
 Կը փարատէ դեկերող քօղն դիշերուան,  
 Թափանցելով անոնց հոգին միամիտ՝  
 Մութ վախին տեղ՝ կը սփոկը լոյսն ճշմարիտ :  
 — Տեսէ՛ք, կ'ըսէր, ո'վ զաւակներն Արարչին,  
 Թափուր, անօդ, լքուեր էք հոս կոյր բաղդին .  
 Ի՞նչ է սին վարձքն ձեր օրհնենքին, աղօթքին,  
 Արդեօք սոսկ կա՞պն է արիւնի, թէ՝ խնամքն  
 Հոգածութիւնն գվուստ, սիրոյ փափուկ կամքն  
 Որու չորհիւ դէպ՝ իրենց հայրն անձնըւէր,  
 Երախտապարտ գգալու են զաւակներն :  
 Ա՛հ, ձեր Աստուածն գործաւոր մ'է գոզցես կոյր,  
 Որ կերտելով խամաճիկներ զեղաթոյր,  
 Անփոյթ հոգւով մը կը ցրուէ առաթուր .  
 Անոնք կերթան ու ամէն տուն, ամէն տեղ,  
 Կառնեն նոր կեանք, հոգի պէս պէս, տեսք չքեղ,  
 Կապրին աղքատ, կապրին հարուստ, աղատ, չէն,  
 Կապրին հեռի ու անծանօթ՝ Շինողէն :

\* \* \*

Ու խօսելով՝ վեհ Արուսեակն մարդասէր,  
 Ամոլներուն կուսուցանէր արուեստներ :  
 Կը կերտէր նետ, աղեղ ձկուն, պարսատիկ:  
 Որէներու համեղ հաշին հետ քաղցրիկ՝

Միբգերն հասուն, խոտերն թովիչ, գինին հուր,  
 Կը պէճէին անոնց սեղանն ծաղկաբոյր :  
 — Ձեր Աստուածոյն կը պարտիք շունչ մը, կ'ըսէր,  
 Ծնունդ մը լոկ, կեանք մը անշուշտ բարեսէր .  
 Այլ ի՞նչ թշուառ պիտի ըլլար, անօդ, ան  
 Լքուած ահեղ գուլ տարբերուն խստութեան,  
 Անպատապար գաղաններու դէմ գաժան,  
 Որոնց հանդէպ հաստիչն անզօր կը մնայ :  
 Միթէ գոհարն գարչ տիղմի մէջ կը շողա՞յ .  
 Չարին մատնուած այդ կեանքին մէջ ըարիք կա՞յ :  
 Ա՛հ ո՞րքաններ, իրենց փառքին, հաճոյքին,  
 Հպարտութեան համար կեանքեր կը ծնին .  
 Այդ Արարիչն ահա հաստեց ձեղ՝ ծառան  
 Պահապաններն ըլլալ հսկայ տէրութեանն .  
 Եւ միամիտ՝ ոազմիկ արքան ինքը չէ՞ ,  
 Որ ձեզմէ յար հնազանդութիւն կ'պահանջէ .  
 Հէզ ձեռակերտն ըմբռնելու անկարող՝  
 Հզօր բերդին մէջ վանդակուած, ոսկեշող,  
 Թեթեւ հոգին զերթ ամպ գատարի ու ցանցառ,  
 Չի ցօղանար, չ'արցունքոտիր դթահար .  
 Իր ծառաններն, զինք ատողներն չի ճանչնար :  
 Հոգի անտես՝ անոր բնութիւնն անատակ  
 Ի՞նչպէս կրնայ նիւթն ու աննիւթն ներդաշնակ,  
 Կատարեալի մը մէջ շաղուել կենսունակ :  
 Սակայն, ո'վ մարդ, գուն չես հաստուած պաշտել զայն,  
 Կամ խոնարհիւ զօրութեանց դէմ այլազան .

ինչ որ հանձարդ կը կերտէ մէծ, հզօր, շէն,  
 կամ նիւթէ է նման աստուածներուն ձեռաշխն՝  
 կամ հոգի նուրբ՝ մտատիպարն զաղտնամուտ  
 կոյլ հաւատքի, ահի, ուժի պատկերն մութ,  
 Զոր իբրեւ պէտք ստեղծելով մարդիկ յար,  
 Ստրկութեան մէջ կը պահեն խիստ յօժար:  
 Այս', քու գերդ չ' խոնարհիլ ուժերու՝  
 Այլ ըմբռնել անոնց գաղտնիքն խոր, աղու,  
 Եւ իշխելով աշխարհին վրայ հոգւոյդ վրայ,  
 Դարբնելով միշտ զանոնք հանգոյն գուզնաքեայ  
 Գեղ պատկերին անեղծ, հասուն հանձարիդ՝  
 Ժառանդ ձգել՝ սերունդներուդ ու ցեղիդ  
 Խոհերդ աղատ, զանձերն սրտիդ ճշմարիտ:  
 Ա'չ, ի՞նչ է նիւթն, ու ի՞նչ հոգին՝ եթէ ոչ,  
 Անձանօթնե՛ր զոր չենք ճանչնար, որոնց կոչն,  
 Երբեմն մարդիկ լսելով դաշն՝ պիտ' անսան.  
 Որոնց հմայքն, ձնշիչ, հզօր, անխափան՝  
 Իրենց հոգին ու սիրտն տրոփուն պիտ' զգան.  
 Հաւատաւոր զգացումին կառչած սին  
 Երբեմն անոնք պաշտեն պիտի նիւթն, հոգին,  
 Սակայն, գիտցիր, ո'վ մարդ, իշխանն ու արքան  
 Այլ' ո'չ գերին էք դուք անոնց, ո'չ ծառան:  
 Զեր մէջ միայն կապրի պատկերն անոնց վառ,  
 Գեղեցկագոյն ինկոտ մարմինն հարսնացած՝  
 Անմահական ապլող հոգւոյն մաքրազգաց:

\* \* \*

Այսպէս հրեշտակն անկեղծ՝ տմոլքն անձկալի  
 կը խրախուսէր մեղրածորան, սխրալի.  
 Եւ հանելով զանոնք վեհ լեռն Արարատ,  
 Նոր եղեմներ կը ցուցըներ ճոխ, առատ:  
 Դիւթող խօսքին ներշնչումովն մողական  
 Նայուտածքին տակ անոնց առլշած, անսահման  
 Մեծ տիեզերքն, անհուն նկար մը դոզցես, —  
 Նուրբ երկինքներն, թարմ աշխարհներն, կեանքը հեղ,  
 Ճամանչագեղ կը տարածէր լայնատարը.  
 Բայց ոչ մէկ տեղ Աստուածին դէմքն կերեւար:  
 Ամոլքն անփորձ՝ կզզային թէ տէրն անբաւ,  
 Կեանքին վրայ իշխանութիւն չունէր քնա՛ւ,  
 Եւ կամ թողած՝ զիրենք աղատ, ինքնակամ,  
 Զէր հմաներ էակներուն խուռներամ,  
 Որ իր անուամբն կը կաշկանդեն բռնագին  
 Անկախ մտքերն, աղատ սրտերն մարդկային,  
 Շահախնդիր կարկառելով ձեռք սիրոյ  
 Ստրկութեան կամ կեղծիքին անբարոյ:  
 Աղատութեան զգացումովն խանդավառ՝  
 Անոնց հոգին յանկարծ մէծցած կը խայտար.  
 Ու գիտութիւնն բարիք մաղուոր, հրձուանք մ'էր  
 Ա'յնքան անմեղ, որ նախածնողքն անհամբեր,  
 Զէին զգար՝ թէ զօրացած անով մարդն,  
 Աւելցուցած իր տառապանքն անզըւարթ,

Պիտ' զրկըւէր դրախտէն հեշտին գեղանշոյլ  
Մեծ Աստուածին անփոյթ չնորհէն , կեանքէն յոյլ :

\* \* \*

Անմեղութիւնն իրենց մտքին , ժպիտն լոյս ,  
Այլեւս մարած էր կեանքին մէջ անոնց կոյս .  
Հպարտութեամբն ճոխ դիտութեան մը պատրով ,  
Կընդդրկէին տառապանքին ջանքն երկնող :  
— Ի՞նչ փոյթ , ձեզի , մտահոգութիւնք տեսլական  
Երբ կեանքն հարուստ կը դրաւէ մարդն , կըսէր Ան :  
Պատրա՞նք է սին , թէ խօլ խոյանքն այս կեանքին ,  
Ստեղծելու ջանքն որով մարդն առանձին ,  
Կ'ըլլայ Աստուած , կ'ըլլայ յազթող բռնութեան :  
Ա՛հ , ստեղծե՛լ , համակ խանդովն ձեր արեան ,  
Լեցնել բջիջներն ժամանակին լայն , անհուն ,  
Կերտող ճիզի անուշ մեղրովն ոսկեդոյն :  
Ստեղծելն յար կեանքին զունեղ , երփներիեան  
Տեսիլներուն տակ ապրիլ է յաւիտեան .  
Ստեղծելն վեհ՝ աղնիւ զտուիլ է ընտիր ,  
Ո՞վ մարդ , ինչո՞ւ ոստրէին պէս ջանադիր՝  
Ուժերդ հանրուն չես նուիրեր անխընայ՝  
Հատիկ մը լոյս մարդարիտի դուզնաքեայ :  
Ինչո՞ւ դըրախտն ճաճանչափայլ , խնկաւէտ ,  
Քու հոգւոյդ մէջ չես պատրաստեր ճոխ յաւիտ .  
Ստեղծէ՛ դուն , հասցուր միրդերն սէրերուդ ,  
Խոկումներուդ հովանիին տակ՝ անդութ  
Տառապանքի գարշ տատասկներն խլէ՛ , չուտ ,

Պարարտ սրտիդ ածուներուն մէջ փիլուն ,  
Յանէ ծաղիկն քու յոյզերուդ զգայուն .  
Եւ թող անոնց բուրումներովին , վառքովն խիտ ,  
Անմահութեան խօլ ըղձանքներդ գեղափիթիթ  
Հանդչին դալար մարդերուն վրայ անուրջիդ :

## Ե .

Խոտու մը զով , կանուխ զարթնած , խնդագին ,  
Ծործորներէն , սարերէն վար Եղեմին ,  
Երկիրը նոր անոնք ձանչնալ փութացին :  
Բեթեհեմեան աստղին հանգոյն՝ Արուսեակն՝  
Սահուն ճամբայ կը ցուցնէր դուր , միայնակ :  
Ծառերուն մէջ հովիկն կերպէր մելանուշ ,  
Փուրակներէն՝ արբշիո Եւան վարդաթուշ ,  
Ոստոստելով զերթ աղաւնի սպիտակ ,  
Կը հաւաքէր բոյլ բոյլ վայրի մանուշակ :  
Եղնիկն երկչոտ ի լուր քայլին նըբահոս ,  
Հազիւ բացած աչքերն աղու , երենոս ,  
Կը խոյանար թաքստոցէն սրարշաւ ,  
Դաշտերուն վրայ խաղաղութիւն կար անբաւ :  
Առուակներուն եղերքներէն ժանեակուած ,  
Ծաղկըներու բացաստանէն ցօղամած ,  
Անտառ , թաւուտք , մրգաստաններ , ծփուն բլուր ,  
Անոնք անցան՝ խօսակցելով հեշտալուր :  
Ամէն մարդէ , ամէն ծաղկէ գոյնզգոյն ,

Կուռքի կլոր, զմբուխտ աչքովն կը նայէր :  
 Զուրերու ավին՝ աննուխներուն մէջ համեղ  
 Բոյլ մ'աղաւնի կը լոգնային սիրազեղ :  
 Բեղուն երկրէն, խիտ թուփերէն, ձորերէն,  
 Կը տարածուէր, կը սաւառնէր հեւալէն՝  
 Հասկերու երգն՝ խառնւած ծաղկանց խօլ բոյրին,  
 Ու՝ զերթ օրհնէնք՝ հողէն բուրող գոլորժն :  
 Արբշին հոգին նախածնողացն՝ խուկի բո՛վ,  
 Թռչնոց երգին շեշտերուն պէս ճախրելով,  
 Կը բարձրանար դաշտերուն վրայ հեռաւոր .  
 Անոնց սրտէն նոր աղօթք մը փառաւոր,  
 Դէպի ճոխ կեանքն կը սաւառնէր՝ դէպի լոյսն :  
 Երկա՛ր, անդուլ քալեր էին լիայոյու ,  
 Եւ յողնարեկ՝ շուքի մը տակ նստած լայն ,  
 Քիչ մը արմաւ կերան, ափ մ՝ ալ թարմ մանան :

\* \* \*

Աւա՛ղ, Ադամ, Եւա քնքուշ, ի՞նչ անբաւ  
 Զիր զարթնումին՝ այդ օրն զարմանքն, ահն եղաւ :  
 Հեռո՛ւն, հեռո՛ւն, մշուշին մէջ ապերախտ ,  
 Կը մթազնէր կայծակնահար հէդ դըրախտն .  
 Հուր մը պայծառ, վայլակն գոռուն բոցալառ ,  
 Երկինքներու մութ ստիխնքէն կախուած վար ,  
 Իր բոց լեզուին այլող տապովն տենդազին՝  
 Հալածական կը լամփէր խեղճ դէմքերնին :  
 Մըրիկ մը չոր, տաք փոթորիկ մ'անկայան ,

Զեփիւռ մը զով, բուրում մ'անուշ խնկասուն ,  
 Կ'ընկերանար իրենց քայլին անկայուն :  
 Գոզգես՝ վարպետ, ճոխ վրձինով ստեղծուած ,  
 Նկարներու շարք մ'էր առոյդ, պէսպիսուած ,  
 Զոր արքիով կը դիտէին սխրալի :  
 Մոայլ խուրձեր մայրիներու վաղեմի՝  
 Կը նիւճէին խորն մարգերուն բաց-ոսկի :  
 Փոքր լճակներ կերտուած հազար ջրվեժէ՝  
 Իրենց արեւոտ շրջանակին մէջ ժայռէ ,  
 Մատնիներու ոսկին մէջ ինկած գեղ ,  
 Շիւփիւղայի կապոյտ ակեր էին շքեղ :  
 Լուսակարկաչ բլուրներու թաւուտքներն ,  
 Կ'ստուշիքին ծաղկաստաններն գետն ի վեր :  
 Վայրի բնութիւնն ամէն վայրկեան այլափոխ՝  
 Շոայլօրէն, երկիրն համակ, պարարտ հողն ,  
 Բուսողութեամբ մ'առոյդ, ստուար կողոքէր :  
 Անկարդ աճումն գեղեցկին կարգն, օրէնքն էր :  
 Այդ գրախափն մէջ եղանակներն անթառամ  
 Կը տեսնէին՝ համբուռլուելով, — հոծ, փարթամ  
 Մրտին, կակեան, վարդերն վայրի հոյլերամ ,  
 Թմբին դալար, եղբեւանին, մանուշակն ,  
 Ճիւղուած կայծող յայսմիկներուն ձի՛ւն ձերմակ :  
 Զոհուող արեան կայլակներուն պէս կարմիր ,  
 Խոտին վրայ կիյնար կեռասն հիւթալիր .  
 Խոչոր հատիկն խաղողներուն կանանչ դեռ ,  
 Սաղարթներուն տակէն նրբին, անտարբեր ,

Հուրի՛ մատնուած տեսնել մեր դրախտն , բո՛յն դաղմնի ,  
Անշուշտ գաժան է եւ մեր յոյսն կը մեռնի :  
Այլ ի՞նչ մնանք՝ ջղակուր , լքուած , խեղճ ,  
Լուեց քամին , անցան մրրիկն , անպերն չեղջ ,  
Վերջալոյսի ոսկեմշուշ ստուերներն  
Դաշտերուն վրայ արդ կը հանգչին համօրէն ,  
Հովանիներն ալ հիւրընկալ զիշերուան ,  
Խաղաղ նինջի սրտանց հրաւէրն մեզ կուտան :

\* \* \*

— Մի՛ երկմըսիր , Եւա՛ , խրախոյսն իմ արի ,  
Ես չեմ սարսուար աղէտքին դէմ վիթխարի :  
Ազատ հողիս այլեւս պիտ' չի խոնարչի  
Մուրալ փուճ գութն այն Արարչին որ անշուշտ ,  
Պատժեց ըղձանքն անդթութեամբ մ'արիւնուշտ :  
Բայց ի՞նչ պատրանք՝ խօսքերն հովւին Արուսեակ ,  
Որ լքեց մեզ թշուառ բաղդին այս վայրադ .  
Իրեւ սին չունչ մեր հէտքին ան թըսաւ :  
Այսպէ՞ս ցնդին պիտ' մեր յոյսերն անզըսաւ :  
Եւա՛լ , մեր սիրտն՝ երանութեան ծխածանն  
Արցունքներու բիւրեղի՞ն մէջ ցօղանման  
Պիտի տեսնէ վաղանցուկ պահ մը անյոյս :  
Այսպէ՞ս աղու կաթիլ մ' հեշտանք , պուտ մը լոյս ,  
Դառնութեան հոծ սեւ մ'րուրովն շաղւըւած ,  
Մեր չրթունքներն պիտ' ճաշակեն , ո՛վ Աստուած :

Հազար ուժովն խուլ հովերուն եւողեան ,  
Դէմ՝ խառնարանն կ'քէբ զիրենք անդնդոց .  
Տարուրերուած թռչնոց նման հողմակոծ ,  
Ժայռերէ ժայռ , պառեխներուն բաղխելով ,  
Որբ հոգիներ՝ փետրազուրկ , մերկ , ծաղրանքով  
Ճամբու մ'եղերքն կը նետէր զիրենք չնչասպառ :

\* \* \*

Քանի՞ մութ ժամ մնացեր էին հոգեհար՝ —  
Դողդըղալով քամիին դէմ , չէի՞ն զզար :  
Գողցես դարեր անցեր էին դասնութեան  
Պահէ մը մէջ , — այնքա՞ն փոխուած թուեցան :  
Ծով մ'ամեհի յուղումներու գալարուն  
Անոնց մերկ կուրծքն կալեկոծէր ճարճատուն .  
Հրեկ մը կար խորն վրդովեալ դանկերնուն .  
Զդլումն ու ահն , զայրոյթն ու ողբն , արցունքներն  
Իրենց բոց սիրտն երեսնուն վրայ կը փէտր :  
Վիշտն առաջին իրենց կեանքին բազմասքանչ՝  
Հոգւոյն մատնած անզօրութիւնն ցաւատանջ՝  
Կ'ուսուցմնէր իմաստութիւնն առաջին .  
Եւ փափկութեան վայրկեանի մը թանկառին  
Մոայլ գլուխն հանգչեցուցած յուսահատ  
Բազուկներուն մէջ ամուսնին հարազատ ,  
Եւան տուաւ անոր համբոյր մը խնկոտ :  
— Ո՞վ իմ Աղամս , ըստաւ , կնիկն ամշկոտ : —  
Երկնքներու այն կայծակէն ամեհի

\* \* \*

Մինչդեռ Աղամն ապերջանիկ կ'աւաղէր  
 Պատրանքն ու վիշտն , յոյն ու ցաւը կարեվէր ,  
 Հեռութին մէջ ճաճանչելով մեղքածոր  
 Աչքն Եւայի կողողէր շող մը բոսոր :  
 Թաւուտներէն կը խօսէր ձայն մ'անծանօթ .—  
 — Ամոլքդ աղու , հետաքրքիր ու անձկոտ ,  
 Որ անդուսնած պատրաստ ու մեղկ հաճոյքներն ,  
 Զեր վաստակովն ուզեցիք կեանքն պաղաբեր՝  
 Գոհ ըմբռչխնել , մղուած կեանքի խոյանքէն ,  
 Աղամ աղատ , Եւա՛ սիրող , տընաշէն ,  
 Ողջոյն ձեղի՝ Արուսեակէն մարդասէր :  
 Տեսէ՛ք , հունա՛ , հովիտներէն , դաշտէն վեր ,  
 Մինչ փոթորիկն կը խարանէր ձեր մարմինն՝  
 Ձեզ ընակարան կերտեր է ժայռն վիմածին :  
 Այս խօսքերով աւետաբերն թեւաւոր ,  
 Յառաջ եկաւ թաքստոցէն գաղտնի , խոր ,  
 Եւ հիւրընկալ կարկառելով ձեռքն ընտիր՝  
 Տարաւ ամոլքն դէպ՝ օթեւանն շողալիր :

\* \* \*

Լճակ մը ջինջ անոր պատուարն կ'երիզէր .  
 Բարձունքին վրայ , ժայռերուն մէջ՝ սրահներ  
 Կը շողային լոյսերու տակ սիրալի .  
 Եւ որմերու կփուած երեսն՝ ջինջ հայլի՝  
 Նայուածքներու կը ցոլացնէր խոհն առլի :

Ծիրանեգոյն կամարներուն վրայ պսպղուն ,  
 Երկինքներու պատկերին մէջ նկարուն ,  
 Կը խայտային շատրւաններն , ջուրն փխրուն :  
 Լոյն արեւին ծորելով նուրբ ու հեղիկ՝  
 Զըմբռուխտ ծածքէն գմբէթներուն թափանցիկ ,  
 Նկարներու դէմքերուն վրայ դալկահար  
 Ծիածանի ճոխ գոյներով կը խաղար :  
 Բիւր առուտակներ կապոյտ լիճէն բոլորչի՝  
 Դէպի ժայռերն սողոսկելով զով , լայնչի ,  
 Ժանեակներու փրփուրին պէս , հեշտ սահուն  
 Կը հոսէին ընդմէջ դալար մարգերուն ,  
 Կը ջրէին փափուկ առկախ պարտէզնեցն :  
 Դիցուհիներ էին կարծես անոնց տէրն :

\* \* \*

— Ահա կայանն , աւետաբերն ըսաւ , հոն ,  
 Արուսեակի սիրոյն անկեղծ այս է ձօնն .  
 Գիտցի՛ր Աղամ , Եւ գուն Եւա՛ ուշադիր՝  
 Թէ հոս՝ սերունդն ձեր պիտ՝ խառնւի ցանուցիր  
 Նախազամեան մարդոց զարմին ինքնիշխան .  
 Եւ այս հեշտ պահն , ձեր մէծ ուխտին է վայրկեանն :  
 Սէր մ'անխարդախ պիտ՝ միացնէ մարդն հսկայ՝  
 Հեռակներու անկեալ պետին՝ սատանայ :  
 Ո՛վ նախածնողք , յիշեցէ՛ք թէ ձեր հանձարն ,  
 Յաղթանակի պիտի վարէ ան ճարտար .  
 Աներեւոյթ՝ իր սէրն , խնամքն , գութն առլի՝

Հաւատարիմ ձեր կեանքին պիտ' հետեւի .  
Եւ հոն՝ ուր կամքն այն անտարբեր Աստուածին  
Որբ ձեռակերտն կը հարուածէ բոնագին ,  
Հոն՝ քնքուշ ձեռքն Արուսեակին բարեջան ,  
Պիտ, ընծայէ սփոփանքի բալասանն :

\* \* \*

Այսպէս ճանչցայ, ըսաւ Լէյլան դիցուհի  
Աղամն, Եւան, նորէկ մեր մէջ, սիրալի :  
Գոզցես երէկ ըլլար՝ Եւան, հոգեթով ,  
Աւազանի մ'եղերքն նըստած՝ նազանքով  
Զիւնասպիտակ, զիրդ ոտքերովն մերկ, յօժար ,  
Հայլիացած ջուրերուն հետ կը խաղար .  
Հոյլ մը կոյսեր՝ Անահիտի աղջիկներն,  
Շուրջն հաւաքուած կը շոյէին խոպոպներն :  
Մատուակներ առլի դինով հոգեթունդ ,  
Կը շրջէին սրահներուն մէջ՝ ուր սերունդն  
Կարմիր հողին՝ կողջագուրէր Աղամն նոր ,  
Հարսնիք մըն էր յաւէրժական՝ կեանքն այդօր .  
Համքուրուելով սիրակցորդ, անբաժան ,  
Երկու ցեղերն, աճուն, առոյգ, բազմացան ,  
Կարմիր սերունդն իմ հայրերուս գերազանց ,  
Քաջ ախոյեան դիւցազնութեան, բարութեանց ,  
Անբարտաւան ու յաւակնոտ չէր սոնքար ,  
Ալ մարդն տկար, հողէ կերտուած, անկատար ,  
Իր մէծ կոչումն անտեսելով, կամակոր ,

Իր Աստուածներ զանոնք պաշտեց մէծազօր ,  
Մինչ կայէնեան զաւակներէն անդադար ,  
Մարդարէներ նախանձայիր, դիւահար ,  
Կսպանային երկինքներու հուրովն սին ,  
Նոր մարդկութեան մէջ պատժել յար՝ մէղքն հինին :  
Մարդն ցաւասանց որ ստեղծեց իր Աստուածն  
Տգիտութեամբ ծընելով մէղքն ախրամած ,  
Այսպէս ահա՛ ստրկութեան անբաժան  
Իր ձեռքերովն դարբնեց անդուլ, սեւ չղթան :  
Դարեր համբուն կարմիր սերունդն անձնազոհ ,  
Այս մարդկութեան ներշնչչի դերէն գոհ ,  
Հերոսներուն անմահ ուժովն անարգել՝  
Կը մաքասի դեռ գարչ չղթան այդ վշրել :  
Անոր հանճարն ճախրելով դէպ Յունաստան ,  
Գեղեցկութիւնն հոն ստեղծեց այլազան .  
Անոր կրակն բորբոքելով Հայաստան ,  
Դեռ կը ծնի վեհ գիւցազներ անկործան :

\* \* \*

Այսպէս, աւա՛զ, օտարացած դիւցազներն ,  
Խաւարակուու մարդկութենէն անտարբեր ,  
Աներեւոյթ կերթան աղատ եւ աղու ,  
Նոր աշխարհներ , նոր պսակներ շահելու :  
Եւ այսպէս ալ՝ հողիներու քով գերի՝  
Ու սրտերու սմայութեան մէջ կապրի՝  
Կարմիր սերունդն աղատութեան՝ քաջարի :





ՀԱՅԱ-ԱՐՄ ՀՍՊ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՅԱ-ԱՐՄ ՀՍՊ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

2013

13751

